

孟縣志卷三

3
HARVARD COLLEGE LIBRARY
FROM THE
HARVARD-YENCHING
INSTITUTE
MAR 13 1931

Ch L 3145 / 1169.82



哈佛大學
哈佛燕京
圖書館
珍藏印

三十三丈三尺土築城門四

北曰拱極東曰賓賓西曰

上池濶一丈二尺深八尺

濶二丈三尺深八尺

舊志云金大定戊申因孟州

縣使么公始築城明景泰三

年知縣劉澄增修城堞以磚

北曰拱極東曰賓賓西曰

萬曆時後重修崇禎六年知

縣張兆熙重建南北東三門

樓又有龍門

學前為萬曆七年同知張祖

國朝修築者並未載入至乾

隆三十一一年奉文查取

重修冊籍申送京中一統志

館祇稱乾隆八年舊

河被火無存唯乾隆九年知

縣繆集詳請重修又二

十六年署縣張德履詳請補

修而已然今石刻四城

門各題識河陽門為崇禎十

三年知縣張兆熙立凝翠門

為正德十五年知縣劉澄立

迎秀門其題識莫辨唯門內

壁上嵌有雍正六年小碑云

知縣朱永慶管河帥定朝重

修東門樓云云又拱極門為

順治甲午知縣劉楷立意入

國朝後劉朱二知縣皆曾重

修而案牘莫考耳

又按舊志謂城於金大定中自孟州故城徙築至明景泰間始稱知縣賈珍重修然按元史云孟州宋隸河北道金大定中爲河水所害北去故城十五里築今城徙治焉故城謂之下孟州新城謂之上孟州元初治下孟州憲宗八年復立上孟州云云是此城於金時自下移上於元初又從上徙治於下旣又自下徙治於上其間修築者固當不一卽如元中統間重立孟州三城記石刻尙存其稱宣差長官范真重建之績甚詳此可見也其文載後碑碣志內茲不別錄

按舊志但稱金大定中自孟州故城徙今治而孟州自何時竟不復言以今考之古河陽縣城廢所云自漢以來皆治此者是也終唐之世以至宋初猶然觀宋太平寰宇記所云南浮橋在縣一里卽晉太始杜預造橋處云云按所云浮橋卽指在野戍者而言而與縣相去一里是宋太平興國時城尙在野戍鎮其後移徙則不見於諸書唯今縣西十七里東窰村有宋千牛衛府君廷諤及其妻高平縣君徐氏墓誌銘出土云寶元二年葬於孟州西北二十里北虢原按東窰村東里許有虢村蓋卽所謂北虢原者其地正在孟州故城西北二十里是宋寶元前城已自野戍鎮移至今縣南十五里濱河地後金元間

稱爲下孟州故城者是也然今縣城學宮內有宋大中祥符元年御製元聖文宣王贊加號詔其碑陰爲宋孟州重修文宣王廟記碑雖剝落尙可辨其歲月碑額夫今城乃金大定中所立何以有宋建州學碑在此竊意此碑初造時本在野戍鎮城學內及移治今縣南十五里下孟州當以其有當朝御製贊刻於碑前遂與學同遷而其後再并學遷於今縣耳或謂太平興國後大中祥符前或城已移至今縣南十五里下孟州而是碑初造卽在其地至金始并學移於今縣亦未可定竊意此亦未然蓋大中祥符元年在太平興國後僅二十餘年使太平興國後卽遷於今

縣南十五里下孟州而創立州學不應十餘年之間遽爾頽落以致遂云重修也是則碑云重修者尙指在野戍鎮之舊學而言及大中祥符元年以後寶元二年以前三十年之間而城與學方移於今縣南十五里濱河地而其後爲下孟州耳卽舊志於宋之平嵩閣德威堂太師堂禮賢館古蹟亦謂皆在舊孟州治按此所建堂館之由皆元祐間事而所謂舊孟州治蓋卽指今縣南十五里下孟州故城而言是亦可借證者但舊志不明言其城始自何時耳又今縣署內又有宋宣和六年御筆改修孟州門頌詔廳碑其文不盡可辨此自是州治自野戍鎮徙至縣南十五

里後所立之碑其後徙治今縣亦與署同遷耳載觀
元中統重立孟州三城記稱么公移築公廡私第庵
觀寺廟一依舊制此亦可想見碑與署同遷也其大
中祥符加號詔并重修孟州學記碑暨宣和改修孟
州門頌詔廳碑亦俱見後金石志內茲不別錄耳
元尚企賢撰重立孟州三城之記文載後金石志下
卷

元分司揆務重立孟州碑即孟州三城記碑陰并載
後金石志

明余宗增修城垣碑殘缺不錄但辨崇禎六年等字
而已

公署

知縣署在城中大堂三楹南向堂前爲戒石坊又前爲
儀門三楹又前爲大門五楹又前爲大照牆一座大堂
下東吏舍九楹西吏舍九楹又東北偏吏舍五楹西北
偏吏舍五楹儀門左右爲東西角門二楹大門內東南
爲馬步班房四楹正西爲民壯班房三楹大堂後爲宅
門又後爲二堂三楹二堂下東爲門房三楹二堂後爲
三堂三楹曰福謙堂三堂後爲內宅門又後爲四堂三
楹四堂東偏三楹西偏二楹三堂東偏爲退思軒三楹
西偏三楹二堂東爲瑞豐軒三楹西爲西書房三楹其
南爲幕客房三層共十楹西書房又西爲虛舟亭北爲

揚清軒三楹餘房不載庫在大堂上東偏獄在儀門內西
南蕭曹廟三楹在儀門東 關帝廟三楹又在其東馬
王廟三楹在大門內東北之河陽驛內漕倉在大門內
正東

舊志云縣治始金大定中尚爲孟州屬署無考明洪
武三年同知黃道因舊址重建大堂後堂過廳幕廳
各三楹正德中知縣劉澄重修大門儀門庫房萬曆
十九年知縣黃應乾改大堂前戒石亭爲坊二十五
年知縣杜應楚重修大門譙樓至

國朝順治元年十月中俱燬于寇十一年知縣劉楷重
建前後堂各三楹大門樓三楹康熙二十九年知縣

劉凡重建東西吏舍十八楹云至乾隆三十一年奉
文查取重修冊籍據覆稿但稱縣署大門庫房及大
門內二門內墻垣不過隨時修理並無大工云今按
大堂正梁題云乾隆三十一年知縣趙國賢重修二
堂正梁題云乾隆三十四年知縣牛聯奎重修邑人
云是年并改譙樓爲大門云至二堂東瑞豐軒在前
爲樓不知何人建前令魯鴻重修改題軒額并自爲
銘三堂題梁無考而堂名福謙爲前令王如金所題
四堂并堂東西偏及下左右房各三楹係乾隆五十
一年知縣李廷讓詳請借廉修建又大堂下東吏舍
九楹乾隆二十六年被水知縣江湄重修西吏舍九

三鼎元卷三
楹乾隆八年被火知縣丁永琪重修其虛舟亭揚清軒爲乾隆五十四年知縣仇汝瑚添蓋揚清軒馮敏昌撰記外并詳請借廉重修三堂云

魯鴻撰瑞豐軒銘

有樓奕奕在堂之東圮于淫雨永夏方中余初莅孟廢墜交叢倉庾館舍事先急公今夏麥稔政簡民雍累臺構屋弗替前功成幾不日顏曰瑞豐旣堅旣壯匪飾匪崇升階拾級無駸爾躬軒扉四啟無蔽汝聰無攘與下民氣斯通無詎無祝是謂大同

附馮敏昌撰揚清軒記

孟縣在宋爲孟州之河陽縣縣治在今縣南十八里

慶歷中令鮮于亨作揚清閣聯芳亭于縣治之圃蓋慕前令潘安仁種花之治而自馮厲貪濁之心後旣圮至元祐中令高元於閣址作亭用其名曰揚清而黃山谷先生爲之記以謂名益其舊不掩前人之善云迨金時州遷今治歷元明以至我

朝又數百年亭址益無可問乾隆丁未靈山仇汝瑚序東來爲令始至卽有慕于古人并有慕于古人之慕古人者蓋越三年而後乃作是軒復用其名曰揚清蓋其慎也或曰子何不仍聯芳之名而仍揚清之名曰芳固未易聯也而清不可以不揚故以揚清名軒云爾猗嗟仇君能以是爲心將一清而慎與勤皆可

相因而至與夫六事之本于廉者又何以異哉仇君其益永此心以慕乎古人焉可矣仇君屬余為記余無山谷之筆特與仇君為姻親因得不循游揚之文但以斯言勉之而并為銘曰

昔人有言和光同塵而又有言好惡同民惟民之情好善惡惡同民之道揚清激濁能同此心何必形骸軒前有池林外花開

主簿署在縣署大堂西大堂三楹堂前為二門大門在東大堂後為二堂三楹又後為三堂三楹二堂東為東書房三楹餘房不載

按主簿署始建無考乾隆三十七年主簿楊嘉善詳請借廉修理二門大堂書房上房住房共十五間乾隆四十五年楊嘉善又詳請借修東住房廚房并添建二堂三間

典史署在縣署大堂東大堂三楹堂前為大門大堂後為二堂三楹又後為三堂三楹又為四堂三楹二堂東為東書房三楹

按典史署始建無考乾隆四十八年典史張葆重修教諭署在縣學明倫堂東偏迤北前堂三楹後堂三楹餘房不載

舊志云教諭宅今廢又云訓導宅二所一改為教諭宅順治十二年教諭王政舉建康熙二十三年教諭

姚奏重修一現今傾圮又後一條云學設教諭一員
訓導二員明末裁訓導一員

國朝順治五年再裁訓導一員後又裁教諭設訓導一
員康熙十九年仍設教諭一員按據此則今教諭宅
當是前訓導宅即王政舉并姚奏修者其云一現今
傾圮者當爲下所載今訓導宅耳

訓導署在明倫堂西偏進南前堂三楹後堂三楹餘房
不載

按訓導署始建無考舊志載訓導署二所其一改爲
教諭宅一現今傾圮云云按今宅乾隆元年知縣程
仁秩訓導劉執瓚重修當即所云一現今傾圮者

城守署在縣署東南大堂三楹前爲二門又前爲大門
三楹大堂後爲二堂三楹庫房一間餘房不載

按城守署舊無可考後因縣署東南節孝祠之東有
公所一處傳是察院行署舊址舊志云中察院在縣
東今廢是也歷任修理借住乾隆五十三年城守閫
泰鳳仍建頭門二門并修理借住

庫房在縣署大堂東偏一楹

按庫房舊志不載大約舊隨大堂創修者

漕倉在縣署大門內正東凡二十六楹

按舊志但有預脩倉無漕倉今漕倉始建無考房內
亦無專卷惟從別卷載漕倉三十九間內有舊倉二

十七間并大門一間在內餘十三間係雍正四年建亦無叔建官名又按下常平倉爲雍正六年知縣朱永慶建此係前二年事或卽朱并建耳後乾隆五十四年知縣仇汝瑚改十三間爲河陽驛故但存二十六間云

常平倉在縣署東凡四十二楹

按舊志不載常平倉據房卷雍正六年知縣朱永慶建三十三間餘不知何時建

勸捐社倉二所一在城內城隍廟東凡十二間一在城西十六里西號村凡三間

舊志云義倉在縣大門外東并云今廢今按社倉卽

義倉但其地非舊志所云者爲邑令張德履建西號村者始建無考

養濟院在城東南隅上生寺傍凡八間

按養濟院舊志不載據故老言舊在城隍廟東邑令張德履因建社倉移建于此額設收養孤貧二十八名每名日支銀一分餘見田賦志正項內領支款下

普濟堂在南關內大街西大門一間內分地方官到查點坐廳三間倉房三間貧民住房十八間凡二十八間按普濟堂舊志不載今始造無考額設收養貧民九十二名每名日給銀一分歲給棉衣銀三十六兩八錢病故給棺木銀七錢係在交鹽當商籌備公用生息銀兩內支給如有不敷縣官捐墊

監獄在縣署儀門內西南隅坐西朝東大門二門三道門各一座大門內禁卒班房一間二門內打更夫房一間三道門內坐北朝南獄神廟一間壯丁差役住房一間廚房一間坐西朝東土地廟一間坐南朝北男廩房三間女廩房二間共計房十一間

按監獄舊志不載今始建無考惟獄前有重修孟獄碑爲前明崇禎戊寅知縣唐文耀自撰者又乾隆四十九年署縣周書同重修

演武場在縣城北關外半里

按演武場舊志不載現亦無堂南北各一百一十二弓東西各六十七弓四尺計地三十一畝六分四釐

并見乾隆二十九年知縣趙國賢查定案牘云

鐘樓在縣署南當城之中爲南北東西大街交會下爲高臺臺上層樓二重高可七丈上懸警且洪鐘一枚下爲四門南曰仰嵩北曰拱辰東曰朝陽西曰凝睇

按樓爲明萬曆三十三年知縣萬時俊創建樓上巨鐘并有萬曆三十三年萬時俊造款識此樓規模甚善後毀且百年但餘高址空架至乾隆十五年知縣周洵仍建樓懸鐘巍然爲一邑壯觀并飭守者撞鼓以警昏且鐘聲遠聞河上河陽氣勢實增壯焉後守者厭怠鐘遂不常擊然樓與鐘固尚完好登之則嵩行河渙一覽可盡樓東有前署令張標書聲震河陽

扁至樓南門額舊題望洋字乾隆五十三年知縣仇汝瑚改爲仰嵩云

按舊志載中察院廢之外又載布政分司在察院東明正德十四年知縣劉澄重修按察分司在察院西府館在縣治東南并云今廢又載申明亭旌善亭醫學陰陽學俱在縣署大門外并云今燬又云縣丞署在縣堂東因官省廢又云佐理亭在儀門左嘉靖間胡大神建又云寅賓館在儀門外東明知縣武元謨建又云預備倉在寅賓館南今按佐理亭寅賓館現亦無存所云預備倉今無此名其地當卽今漕倉之地然預備倉之穀卽今常平倉之穀當因漕倉建在

署內預備倉地故改貯預備倉之穀于署外而爲常平倉耳然亦不甚可考但據現存而已又舊志云譙樓卽今縣署大門樓今據邑人云昔時樓與今城門制度相仿極壯觀至乾隆三十四年知縣某惑于術士之言遂毀爲大門云

附坊表

河陽古治坊在縣署前乾隆四十六年署縣張標重修永奠中土坊在城隍廟前捍外衛內坊并在城隍廟前大司農坊在縣署前爲明戶部尚書劉思問建節孝坊在城中者凡四在城外者一

一在縣署西街乾隆五年為張志好妻杜氏建

一在縣署東街乾隆九年為毛士英妻薛氏建

一在縣署前街乾隆二十六年為李敬妻潘氏建

一在縣署北街乾隆二十八年為楊模生妻張氏建

一在城東北緱村乾隆四十四年為喬程妻劉氏建

一門雙節坊在城東口寺村乾隆元年為馬國祥妻王

氏及馬挺妻王氏建

白世馨香坊在城西之西魏村乾隆十四年為張珽妻

苗氏建

清標彤管坊在城東北緱村乾隆十七年為薛樹聲妻

楊氏建

志潔水壺坊在城西青庄乾隆二十四年為王謙妻李氏建

柏舟風厲坊在城西衡礪村乾隆二十六年為席大才妻王氏建

表彰風化坊在城東之東韓村乾隆四十年為李冷妻湯氏建

按舊志載騰蛟起鳳二坊在學前云俱廢又載節用愛人二坊明知縣萬時俊建康熙間知縣徐登瀛改建為朔南重地河北名區又名宦坊明知縣劉澄為晉河陽令潘岳建又鄉賢坊劉澄為唐韓文公建又有都憲坊為明都御史劉思問建按今俱無存

公所

龍亭在城南門內三楹南面重檐朱戶前為亭門三楹亭內敬立康熙四十二年

聖祖仁皇帝渡孟津河

御製詩碑并敬立乾隆十五年

皇上渡孟津河

御製詩碑

謹按亭初建在黃河北岸後于康熙五十四年移建城內每縣中元旦冬至及恭遇

萬壽大慶皆設

萬歲牌於此各官行朝賀禮焉

大公館在縣署東南中堂三楹甚宏做前為二門又前為大門三楹又外為東西轅門及二鼓亭中堂後為後堂三楹餘房尚多不載

按此為官府因公來往駐謁公所係乾隆三十三年知縣牛聯奎率合邑人士捐建

社稷壇

壇廟按此所載壇廟並見于大清會典為祀典所關及曾經詳請每歲支動公項作祭費在案者

在縣西一里每歲春秋仲月上戊日祭

風雲雷雨山川壇

在縣南一里每歲春秋仲月上戊日祭

先農壇

厲壇
在縣東三里每歲仲春亥日巳時祭午時行耕籍禮

在縣北一里每歲清明日七月望日十月朔日請城隍神出主共祭榜無祀鬼神分祭之

文廟

在縣城南門內每歲春秋仲月上丁日祭

學校

關帝廟

在縣署南每歲春秋仲月及五月十三日祭

見祠宇

城隍神廟

在縣署西大街每歲春秋仲月土戌日隨風雲雷雨

山川壇祭

啓聖祠

在文廟東每歲春秋仲月上丁祭文廟日先祭

名宦祠

在文廟戟門東并同日祭

鄉賢祠

在文廟戟門西南并同日祭

忠義祠

在文廟戟門西并同日祭

文昌祠

在文廟東每歲春秋仲月上丁日祭
黜星樓

在縣治東南隅城上每歲春秋仲月上丁日祭

八蜡祠
在城南嶽雲宮每歲春秋仲月上戊日祭
康熙庚辰知縣張之紀移建

土地祠

在縣署東節孝祠西每歲春秋仲月上戊日祭

馬神廟

在縣署內東南每歲春秋仲月上戊日祭
乾隆五十二年知縣仇汝瑚重建

在縣署西大街每歲春秋仲月上戊日隨風雲雷雨
山川壇祭
祀修已見祠宇

啓聖祠

在文廟東每歲春秋仲月上丁祭文廟日先祭

名宦祠

在文廟戟門東并同日祭

鄉賢祠

在文廟戟門西南并同日祭

忠義祠

在文廟戟門西并同日祭

文昌祠

魁星樓
在文廟東每歲春秋仲月上丁日祭
在縣治東南隅城上每歲春秋仲月上丁日祭

八蜡祠
在城南嶽雲宮每歲春秋仲月上戊日祭
康熙庚辰知縣張之紀移建

土地祠
在縣署東節孝祠西每歲春秋仲月上戊日祭

馬神廟
在縣署內東南每歲春秋仲月上戊日祭
乾隆五十二年知縣仇汝瑚重建

火神廟
在縣署南水廟內朔望行香

龍神廟
在縣署南街南水廟內每歲春秋仲月上戊日祭
修已見祠宇

唐韓文公祠
在城南門內每歲春秋仲月上戊日祭
修已見祠宇

節孝祠
在縣署東每歲春秋仲月上戊日祭
舊志未載
修已見祠宇

無考

在縣署東每歲春秋仲月上戊日祭
舊志未載
修已見祠宇

學校

縣學在縣治東南中爲大成殿七楹南向祀

至聖先師孔子南面并祀四配十二哲分東西面前爲東西

兩廡各九楹東廡祀先賢蘧子瑗以下四十人先儒公羊子高以下二十四人并西面西廡祀先賢林子放以下三十九人先儒穀梁子赤以下二十二人并東面姓名位次皆遵會典所載兩廡前爲戟門三楹戟門左右爲東西角門戟門又前爲內泮池池深二丈濶三丈又前爲櫺星門三楹又前左右爲禮門義路二坊坊側各有下馬碑一通禮門坊東爲德配天地坊義路坊西爲道冠古今坊櫺星門又前直南城開通城垣爲門名曰

龍門又前至城外爲外泮池池濶六丈深三丈又前爲大門三楹繚垣周焉

謹按孟學初爲州學初于金大定戊申興定間毀于兵燹元至元乙丑知縣梁世英重建至正又毀見于明成化間黎淳所撰學記又元至元十八年河陽縣尹王安重修三門甯楫撰記又至元二十三年知州郝采麟同知弋惟敬首緝學宮建兩廊十一間修講堂五間傅夢弼撰記入明改爲縣學洪武三年同知韓進一新學制并見成化間黎淳所撰學記又正統年間重修見嘉靖間何瑋撰記無修人姓名又天順五年知縣郭徵重修大成殿見于舊志又成化五年邑

令孫芳作大成殿兩廡暨明倫堂五間東西齋各三
間書舍十四間饌堂三間黎淳撰記又宏治十四年
知縣石璠重修戟門三間又因櫺星門舊在城門下
移置去城數十步并見舊志又正德十六年知縣劉
澄重修大成殿其東西兩廡舊各五楹俱增四楹并
見舊志又嘉靖初知縣俞元弼重修見楊運昌撰記
又嘉靖九年縣丞黃知常始修後巡撫徐某委典史
喬茂義竣事拓文廟加兩楹兩廡升高戟門改建牌
坊鑿泮池何塘撰記又萬曆七年同知張祖良開城
南垣建龍門額曰嵩河拱秀又萬曆九年知縣武元
謨重修大成殿并見舊志又萬曆三十年通判賈熙

載因泮池在櫺星門外改鑿于櫺星門內楊四畏撰
記又萬曆三十二年知縣萬時俊修葺正殿兩廡儀
門左右爲兩楹大門內外作柵欄東西監牌坊者四
有自撰記并楊四畏撰記又天啟五年知縣李寓庸
因龍門閉塞重爲開通有自撰重開龍門記自是以
至明末兵燹水潦殿廡漸就傾圮至

國朝康熙十五年知縣胡希銓重修大成殿及東西兩
廡以至戟門櫺星門楊運昌撰記并見舊志又康熙
三十九年知縣張之紀因明萬時俊所建德配天地
道冠古今二坊一存一廢並爲修復毛出撰記又自
乾隆十九年至乾隆二十七年知縣周沅始修以及

署縣張德履并合邑人士崔永慶楊洪等樂輸大修
縣學因及啟聖祠敬一亭文昌祠并鑿外泮池郡守
沈榮昌撰記并見薛清輔書重修文昌祠碑蓋孟學
創修節次於是略可考云

國朝康熙二十五年

御製孔子贊四子贊恭勒石於戟門前

御書萬世師表扁額恭懸大成殿雍正三年

御書生民未有扁額恭懸大成殿乾隆三年

御書與天地參扁額恭懸大成殿

宋大中祥符五年頒發元聖文宣王贊加號詔碑一
通在樞星門外東偏文半剝落載後金石志

宋孟州重修文宣王廟記卽大中祥符五年文宣王
贊加號詔之碑陰亦大中祥符間刻者剝落尤甚并
載後金石志又按宋初州學尚在今縣西三十五里
野戍鎮故州治及大中祥符以後寶元二年以前始
徙治今縣南十五里下孟州迨金又移城於今治學
經再徙至此而是碑亦從徙耳詳互見本卷前城池
一條後按語及金石志內是碑後跋語

元甯楫撰重修孟州文廟三門記碑在東廡前文載
後金石志

元傅夢弼撰孟州重修學記碑在東廡前文載後金
石志

明黎淳撰重修孟縣儒學記

儒道與世道相表裏為國者知所以崇儒道則有以
 隆世道今夫戴天履地靈於萬物而為人三綱之所
 以立四端之所以充五典七教之所以行百行萬言
 之所以正非儒者發明之何所本歟是故建學以講
 明儒道尊禮師範集秀俊士民而教之取其材器有
 成者任國家庶官之用自唐虞三代已皆然矣漢唐
 盛時此道大行逮其世運之季也學校之士出而樹
 名節建忠義猶且扶持延百十年之久儒道有益于
 斯世夫豈淺哉孟縣古盟津地即武王會師之所漢
 晉為河陽縣近代置孟州相傳神龜負文出於洛盟

津即其處信哉文明之瑞鍾于斯則吾儒命脉必不喪

于斯也縣舊有學在古州三城金大定戊申始徙今
 縣治東南興定間毀于兵燹元至元乙丑知州梁世
 英重建至正間又毀于兵燹皇明啟運華州而縣之
 洪武庚戌同知韓進乃一新學制逮今已踰百年講
 堂齋舍歲久廢墜興理乏人成化己丑春金臺孫侯
 來為令始至率諸生釋菜于文廟退而坐明倫堂討
 論經史課試藝文顧瞻庭宇霖潦縱橫環視階廊荆
 榛蕪穢莫克慊心焉維時慨然謀議改作屬歲薦饑
 未暇也明年己丑紀綱已布庶政就緒天心順悅地
 道豐亨來牟既登民食饒裕乃復謀諸縣丞嘉禾馬

大成主簿荏平王永祿典史萊蕪王世雄撤而新之棟梁鉅材分勸富家僦功百費各助官俸旣稟稱事民力有餘經始是年春三月落成秋七月凡作大成殿兩廡暨明倫堂五間東西齋各三間高廣悉倍於舊書舍十四間饌堂三間下至庖厨庫藏倉庾什器靡不完美綵繪丹青繚以周垣巍然煥然儒道炳著世教大興縣之秀民咸願服儒衣冠來受訓迪藹藹乎鄒魯遺風矣夫孟縣當天下之衝西連川陝東引汴梁南北抵京都而達襄楚藩侯星使輪蹄旁午縣官五鼓坐聽事治文書黎明卽出候館舍送徃迎來疲於奔命日中歸而取民所有者輸口公家自常

貢正賦外雜調泛征又數倍他縣雖有能者枝梧而已侯以彊仕之年來牧之獨能用簡馭煩守靜制動雖當民病甫蘇之餘倥偬不暇給之際克盡心力成此美政豈非其身體儒道知爲政急先務而然乎惟智者能革弊風爲嘉績不紹之則智或衰惟仁者能以成功遺後人不保之則仁或熄爾孟縣今幸而宣化有其人爲儒有其地則凡端樞楷者當知卽嚴道尊爲己責坐春風而立門雪者當以向學爲己務凡四書五經諸史之文熟講而力行之至於道明德立又將有濟濟多士登甲科金榜出而立功名于天下者焉然則儒道在孟縣平時賴之以產賢能成熙皞

有事賴之以興忠烈濟艱虞其扶持世道可與天地相爲無窮後世有民社于茲者當嗣而葺之俾智仁永無斃可也侯名芳字庭桂舉天順丁丑進士甲科偕予同榜初知錢塘多善政民思之今調孟縣旣新學校凡壇壝郵驛藩臬分司四境道途暨潘岳祠平嵩閣寧津樓諸古蹟一至而精彩皆變豈非甲科名進士地位高志願大乃爾歟予榜中英雄三百其出爲州縣者八十人今半以事業濟通顯矣蓋用進士爲州縣所以重乎民重乎民卽所以敬乎天也後此乃云毋勞進士外任彼曷不思古之官制內外通融初無限哉予嘉愛龍鼎得人因教諭李忠訓導郝溫

貢正賦外雜調泛征又數倍他縣雖有能者枝梧而已侯以彊仕之年來牧之獨能用簡馭煩守靜制動雖當民病甫蘇之餘倥偬不暇給之際克盡心力成此美政豈非其身體儒道知爲政急先務而然乎惟智者能革弊風爲嘉績不紹之則智或衰惟仁者能以成功遺後人不保之則仁或熄爾孟縣今幸而宣化有其人爲儒有其地則凡端樞楷者當知師嚴道尊爲已責坐春風而立門雪者當以向學爲已務凡四書五經諸史之文熟講而力行之至於道明德立又將有濟濟多士登甲科金榜出而立功名于天下者焉然則儒道在孟縣平時賴之以產賢能成熙皞

有事賴之以興忠烈濟艱虞其扶持世道可與天地
相爲無窮後世有民社于茲者當嗣而尊之俾智仁
永無斁可也侯名芳字庭桂舉天順丁丑進士甲科
偕予同榜初知錢塘多善政民思之今調孟縣旣新
學校凡壇墀郵驛藩臬分司四境道途暨潘岳祠平
嵩閣寧津樓諸古蹟一至而精彩皆變豈非甲科名
進士地位高志願大乃爾歟予榜中英雄三百其出
爲州縣者八十人今半以事業濟通顯矣蓋用進士
爲州縣所以重乎民重乎民卽所以敬乎天也後此
乃云毋勞進士外任彼身不思古之官守內外通融
初無限哉予嘉愛龍馬得人因教諭李思誠導郝濫

來請文勒之金石以壽侯休光于弗替乃序而記之
并志進士之爲州縣如此用告于後之爲國者銘曰
太行峨峨道體攸植爾學鍾靈維侯之德黃河洋洋
文運延洪爾學□材維侯之功道由人宏政由人立
儒斯明□中天烈日魯頌泮水蜀懷文翁太史作頌
永照帝衷成化五年歲次己丑月日
明何瑋撰孟縣重修廟學記

孟縣儒學在縣治東南始建於洪武初年重修於正
統某年迄今蓋又八十餘年矣廟廡堂齋號舍俱就
傾圮嘉靖九年皇上頒御製敬一箴於天下學校命
勒之於石覆之以亭惟時孟縣缺知縣縣丞黃知常

奉命惟謹亭既成矣尙有餘材顧明倫堂師生朝夕
講肄之地傾圮非使卽以餘材改建於舊址西北二
門亦修整方擬通修廟廡齋號之屬未果會陞順德
府任縣知縣去任是年二月巡撫徐公撫臨本縣下
學祇謁先聖廟見廟傾圮不治意甚惕然退臨明倫
堂聽諸生講肄見堂鼎新濶大問知其由意甚嘉之
司訓張璣因以黃縣丞欲申請通修廟學未果而陞
任去徐公允之卽詢可以任其責者師生合詞以典
史喬茂義廉能可任薦公卽委之以舊址迨近城垣
乃買民地三畝拓之文廟退後復加兩楹兩廈戟門
比舊高竦櫺星門改建牌坊鑿泮池甃以磚石規制

蓋燦然一新矣又於明倫堂後起蓋饌堂五間東西
庫廚房各三間位置區畫各得其所經始於嘉靖九
年八月落成於明年九月學師生以茲役也工費浩
大名雖改建實則創始非縣丞黃知常無以啟其始
非巡撫徐公無以成其終非典史喬茂義之廉幹亦
不能致完美如是之速皆不可不記乃託國子生潘
伸來徵言於予將勒之石昭示無極予惟聖朝之治
以興學育才爲先自巡撫而下若縣丞若典史皆知
以修理廟學作興士類爲急祇承德意至矣然此皆
有司之事也講學明道以不負朝廷德意則士之責
也吾黨之士其亦知所務哉夫帝王之治本於道而

帝王之道本於心治道莫大於明倫而心發莫先於敬一此不易之論也自先聖以及諸儒所以廟食萬世者明此而已我聖祖興學育材堂必扁以明倫揭其要矣我皇上繼志述事箴復申以敬一蓋探其本也吾黨之士可不知所勉哉以敬一之心明人倫之道大可聖次可賢出則行此道以贊天子之治處則明此道以贊天子之教以其承朝廷德意斯不負矣不然則棟宇輪奐徒爲觀美亦何益之有哉

明楊四畏撰賈郡守鑿孟庠泮池記

國家建學以爲儲材之地而學有泮池蓋取教化流行之意云耳萬厯壬寅春會府尊別駕賈公視篆於孟首謁文廟進諸生而問曰若孟何以無泮池哉諸生曰孟故有泮池時久湮圯未有修葺者賈公毅然注念曰學無泮池非所以崇先聖而溥教化也古昔環聽橋門何以稱焉輒命工估計度地於櫺星門內捐俸金三十兩督鳩刻期深二丈濶三丈有餘砌以磚石架以橋梁池中甃一井深濬及泉且曰井泉以上出爲功將有含情蓄潤應明王之汲者乎工始於萬厯三十年四月望日落成於五月朔日學博趙君辛君暨諸生謂斯舉不可以無紀相率詣余以勒石請余惟僖公作魯泮文翁興蜀校光烈史冊迄今頌之

泮池聿新固斯文之幸而人才盛發之基也說者謂
賈公意欲諸士志奮題橋鯤化天池耳余曰此特博
聲華榮名希富貴青紫者之流賈公之望諸生豈如
斯而已乎蓋欲諸士以此洗心窮孔氏之道源潔自
已之心源耳孔氏之道何道也親義序別信之倫理
也義農黃帝堯舜禹湯文武周公相授受者惟曰教
以人倫其源蓋出於此諸士溯孔氏之源頭尋顏曾
思孟之正派沿濂洛關閩之支流涵養德性滌濯渣
滓日與師講明而修治者如何而孝親忠君焉如何
而友兄弟信朋友別夫婦焉非徒口說身寔允蹈而
權謀術數佛老空寂皆吾池之汚濁耳一切遏絕勿

使混淆此心澄澈瑩淨如海天碧空吾之心源已潔
矣幸而仕焉明此倫理於天下莫非此池之流衍也
其或未仕明此倫理于一家一鄉莫非此池之涵泳
也天鳶淵魚飛躍上下莫非此池之洋溢也視富貴
聲華榮名青紫如雲影之過此池面耳奚足以溷吾
心源哉果爾河陽泮宮又何異于鄒魯之洙泗哉此
賈公修泮池之意也亦諸士自修泮池之意也若徒
資口耳以獵名譽溺淺近以徼利達非賈公之所望
于諸士亦非國家建學儲材之本意也諸士念哉賈
公燕趙人諱熙載號亮齋由己卯科鄉薦清廉剔蠹
省刑節費造福澤于河陽者善政種種難以縷述俟

後之傳循良者采錄茲特其興學育才之一端云請
以余之言識之石上時萬曆三十一年歲次癸卯月
日邑人楊四畏撰

明萬曆時俊撰重修孟縣廟學記

萬曆壬寅冬至月朔余拜官河陽令稽攷縣志人物
最顯著者如唐昌黎氏文起八代之衰迄今仰之如
太山北斗余幸親炙此勝地也已而謁廟過學宮見
殿廡傾圮堂齋寥落卽墻垣門牖亦頽壞不堪極矣
因嘆文獻彫謝邑人士登賢書者不多得至癸卯歲
尤泯泯無聞此皆風氣渙漫以故始未嘗不隆燦而
今稍凌夷也余慨然興重修之舉公餘偕邑簿史方

劉二君廣文趙君辛君王君暨諸弟子員相與調停
基址規畫矩度估計錢糧盡括贖緩之未登者大爲
修葺正殿飾以陸離砌以花墻兩廡繪以朱碧懸以
字扁儀門左右設爲兩楹大門內外建以柵欄東西
立坊牌者四豎影壁者二以至敬一亭文昌祠明倫
堂前後俱整頓藻彩俾之煥然一新語曰地靈人傑
信非誣言余自憚怨勞不辭日夜督催茲厥工告竣
矣私衷不願任德諸生惟蘄諸士遊斯庠者斌斌興
起他年樹駿流鴻爲當朝名臣碩輔庶退不負已進
不負人亦不失今日興建之雅意也余一人榮施良
多然此非臆說也余閱工之夜更分時夢空中金貂

戲魚此非大鰲崛起之佳兆乎夢中卽吟詩一律曰
聞說河陽滿縣花獨有覺宮花不發桂花不遇攀蟾
手桃花那逢奪錦家舊花已謝根還在新花初發色
更佳從此重整栽花泮坐看河陽滿縣花詞雖不工
偶於南柯成之亦大奇矣因命匠人勒諸貞珉以識
不朽并券异日仍俟後之莅茲土者加意學校云爾
萬曆三十二年歲次甲辰孟春吉日記

明楊四畏撰重修孟縣廟學記

孟邑卽古河陽地廟學之建其來遠矣迨我聖朝龍
飛淮甸奄有區夏深惟古先哲王之君天下未有舍
賢才以裨治道也者亦未有外學校而得賢才也者

宅務不遑經理爰命立學校選用名儒以重師席崇
重廟祀以妥神靈以故太牢一祀重道高如天地王
祀禮樂萬世不改朱垣碧瓦雕椽櫺門以象宸闕芹
泮星橋杏苑肄室以擬洙泗創之一時匪不儼然歷
歲滋久風雨震凌覘者靡不興嗟前爲是邑者率因
陋就簡規制不脩邇年得安邑萬侯以辛丑名進士
來牧茲土甫下車留心學校親詣廟庭顧瞻徘徊荆
蕪載道慨然有興廢補敝之思一日博謀與廣文君
長清趙均寧武辛均芮城王均盤二三士同躋公堂
諏諮計畫欲營治而擴新之迺捐帑金爲縣學修葺
助詹祥而起擇人而董輦石陶甃鳩材僦工取阜土

以益卑求良材而勝任殿堂齋巖煥然夙異疇昔諸
門高起賢路重闢而體統愈嚴何其壯也朱欄錯落
楯樾輝煌而聖道彌尊何其肅也文星光暎于前而
東南之翼補武穆廟食於後而西北之坎鎮諸如啓
聖聿新宏因親之仁敬一恢擴揚聖祖之謨櫺門高
躍泮水龍騰臺階重砌孔壁光輝工善史勤昕暮効
力不踰月告竣令趨於斯步於斯鼓篋升階仰瞻棟
宇簷牙高啄丹青赭堊飾以金碧繚以周垣邃然奕
然博士弟子員頌侯之績欲謀勒諸貞珉以志永久
徵記于余余謬以私淑與聞教化其它善政種種不
暇殫述述其尤加於青矜士崇儒以規聖道洞念本

本原原得所先務且也程督課藝亶亶忘俗端軌令
範啓佑乎後人以父母作師保仰副朝廷建學明倫
至意稽古虞夏商周以來治忽之係興廢載在蓬牒
班班可覩爾河陽得賢令特重造以新輪奐冀百里
內家詩書人禮樂處則倡明絕學羽翼聖經以名世
爲已任出則効用明時勲勛事業鏗鉤炳燿以真儒
基實用不朽盛事齊規先民庶幾無負萬侯作興之
心且不負國家建學之心也母徒佔俾章句以徼利
達競寵榮已也莪莪有味哉噫後之賢者必有感于
斯文以蘄學之愈廣勵云

按記內長清趙均以下均字凡三
見皆君字之誤如從石刻之舊耳

明季寓庸撰重開城南垣學宮龍門記

孟縣儒學設縣治之東南城隅舊有龍門對學門穿城而開志載其額扁曰嵩河拱秀後以兵過塞之鎖鑰謂何乃出塞堽之謀蓋一時之迂也予覩夫學宮地據上游蒼松古柏羅羅蕭疎中諸俊彥磊砢英多懷奇負異靈秀之所鍾可謂厚矣若夫東南一帶山川之美首陽邈迤薇有餘香黃河之水天上來日奔騰而迅急淚水之東注也泃深以揚波而高爲天柱則又有嵩山之峩峩其盛矣哉顧以其在城之外也馮城而望之種種爲學宮之所有坐學宮而平視有隔焉者矣龍門之開亦風氣至此有不得不開者乎塞以兵過原出偶然矧事往無他處搶攘景象何堪

再存增悲而使靈秀之所鍾迴環抱合中外映發前焉者顧不足貴與爰命開之瞬時告成祇見光芒放散橫無際涯遠吸山光平涵水色首陽不於首陽也學宮之內有首陽黃河不於黃河也學宮之內有黃河淚水不於淚水也學宮之內有嵩山不於嵩山也學宮之內有嵩山觸目皆真會心不遠又不有於學宮而有於諸生之胷中之筆下一時懷奇負異之士相與乘風躡雲而去孰阻之哉其由斯門乎爲葺門扇置戍守重理其額扁非比於好事用追昔日之盛而復其舊爾時天啟五年仲春朔旦攝孟縣事濟源縣知縣廣陵季寓庸書

國朝楊運昌撰重修孟縣文廟記

孟於中州爲巖邑提封四域短長相覆不越五十里
熒展山帶河左濟右湛地狹人稠風氣清淑蓋古文
教之邦而三河之間一都會也舊有文廟在縣東南
隅碑記不詳所自聞諸長老縣故爲州治濱河金大
定之間以水患徙而北爲今城廟之建或自於是時
迄明知縣孫芳俞元弼後先增拓輪奐之美號爲閔
壯

國初流寇肆虐城垣失守廬舍幾盡獨廟巋然存未幾
亦以霖潦漸圯而莫之省憂康熙癸丑巴江胡侯希
銓旣爲政之三載風雨以時年穀屢登民安吏肅百

度維新釋菜於夫子俯仰循覽憮然有茂草之慨焉
謀於學博李如棫聿圖修治事且有緒矣會以兵興
暫止旣而曰長吏表帥一方將廣教化美風俗漸漬
斯民以詩書禮樂迺俎豆之宮侈剝不理其若父老
子弟何且何遽以倥偬爲解也於是擇吉鳩工庀材
運甃邑尉以下董視克勤經始於乙卯秋八月越明
年丙辰春二月而夫子之殿成廊廡門城皆以次完
葺是役也侯捐俸金其簿尉暨邑之大夫士里民宣
勞輸費亦各有差工旣竣凌尉來乞余文以紀侯績
余惟虞夏以前無論矣繇周而來孟之見於經者或
爲盟或爲向或爲河陽春秋隱桓之際王以十二邑

與鄭獨向盟不從王遷其民於邲此非先鄒魯而有其禮義者哉漢唐而降以襟喉要地表裏京洛故置州建節元老大賢徃徃來莅宋至慶厯以後廣勵學官天下僅五十餘員河陽卽與焉蓋其重哉其時教隆於上俗清於下公卿大夫項背相望大者以勲節名小者以經術顯韓吏部愈遂出而以道德文章起八代而師百世抑何盛也近代吏治人材稍遜于古然以余所覩記士敦人樸猶斷斷禮讓之休焉曩者逆闖鴟張海內風靡孟獨以十夫培塿悉力拒守六七晝夜而後下城陷之日貞人介女義不從賊踣叫罵詈以及於難者未易悉數豈非忠誠義烈猶有聖

人之遺化歟嗚呼迄于今而民多巧僞趨利士弗遜志典學而矜才尙勢子弟之不講於孝悌敬義者久矣有識者時懷耿憂思拯其敝宜胡侯之知所當務而重葺黌宮敦崇禮教也夫以羽騎飛馳供億轉輸日不暇給令斯土者悉繁敝賦以襄軍事斯云勝任愉快矣侯復殫心庠序釐其舊而新是圖此其卓識差度爲何如哉史稱宋均年少好學訓辰陽長創立鄉校寇恂爲汝南太守修學校教生徒效其時並在用武故知賢人君子所見自有同然也魯頌泮水之五章有曰克明其德旣作泮宮其六章曰濟濟多士克廣德心願諸生入廟惕厲敬慎共思所以誦法孔

子繼軌先賢異日者化行俗美斌斌文學將朝廷實
嘉賴之豈惟胡侯與有光焉不然上作矣而下弗應
使古微莫嗣廟貌徒存是亦二三子之羞也余家世
與孟鄰比又數從其邑之先生長者遊頗能悉其土
風故具爲道之如此俾後之人得以考識而觀感焉
是爲記康熙十五年歲次丙辰孟秋穀旦

國朝毛鵬撰重建學前牌坊記

聖道之大也與天地合德歷古今而常昭黌宮庠序
徧宇內之省郡州邑廟貌規制樹坊題額大率相類
及歷年久內外崇飾不無興廢整頓之或殊此固於
聖道之大無所損益也惟是明倫設教之地所關綦

重卽宏規外障亦以肅觀瞻培文脉而顧聽其殘廢
缺失能安之乎所賴主持風教者振興而修舉之但
其間之實能崇聖道加意斯文未易數也觀也夫亦
存乎其人耳孟邑學宮前舊有東西二坊莫紀其創
自何代重修於明時迄今將百年西坊久頽敝東坊
傾廢無存僅留基址邑侯張父母每剋望謁廟徘徊
咨嗟顧謂諸生曰此坊爲聖廟門外左右關攔昔人
建此殆非無意宮牆何地豈有成跡經久頽廢而缺
焉莫或修舉之余不敏承乏茲土目覩心疚其敢告
無罪耶於是鳩工庀材卽西坊之舊制而修葺之加
以丹雘烏革暈飛煥然一新復以東坊更闢龍脉闔

邑文風攸繫且兩坊對峙猶威鳳騰霄之有左右翼也安可缺一用是益捐清俸選工師購物料浔吉興作朝夕省試之閱兩月而巍然以起崢嶸璀璨東西稱觀邑人士瞻仰其間莫不油然而喜奮然鼓舞以興駸乎有人文蔚起之幸焉蓋侯之爲政也以正風俗培人材爲先務學校爲人才所自出風俗視教化爲轉移侯蒞任以來振頽起廢次第舉行其所爲維風善俗以實心行實政者蓋未易更僕數茲之汲於建修此坊豈徒備觀美哉學校崇而禮樂教化儀型攸樹門墻左右坊表共瞻俾往來此際者卽不得其門而入亦不覺其肅然起敬而儼乎有對越

先聖之思焉故盤囷壯麗輪奐燦如而不嫌於靡其所以鼓衆志而起衰敝者意良深也傳曰君子學道則愛人小人學道則易使侯能本此意以行之將見絃歌之化彬也乎與古鄒魯頡頏且庠序中毓有敦修實學之主他日者觀光利用本經術以贊襄盛治聖朝實嘉賴之豈惟我侯與有榮施已哉余司牧江右遣子歸就學聞侯此舉不禁躍然作而曰此善邑之幸也兩坊重煥聖廟增輝吾邑人其庶有起乎旣而吾梓諸同學友特遠致書具述其事屬予爲之記余維吾孟風塵自紫山西來蜿蜒數百里而結爲邑城惟東南少遜昔堪輿家言移奎樓於城上後必有掄

元者丙午楊君果發解余於甲子又忝居榜首讀書
中秘則扶培龍脉之說信不誣矣今侯又重建東坊
則風脉益振從茲膠庠內有鍾秀而興者其毋忘所
自且毋徒以科第榮而庶幾無負於幼學壯行之志
為宮墻生色并使天下之人謂吾黨名教中有實用
焉則我侯今日之此舉其所以崇聖道培學校而毓
養人才者雖千百年後猶將誌明德於不朽也

國朝沈榮昌撰孟縣重修學宮序

孟縣為古河陽三城地其城池學校規模為懷州之
冠

本朝崇儒重道超越千古前令胡希銓修治學宮炳載
志乘年久漸就頽落榮昌每按屬邑過孟輒以語所
司未獲舉行乾隆二十七年夏華容張子德履奉檄
權篆於孟乃週視殿楹并及廡宇配祀泮池門垣皆
為度經費營工程與司鐸共議延邑中老成紳士勦
謀此舉張令捐俸為之倡而邑中人士咸為樂輸分
工糾督起於夏六月成於秋八月以積年剝蝕不可
枚舉之工未及兩月而肅然改觀榮昌適以公事赴
孟一見嗟嘆謂此邦人士之好義而張令以五日京
垂能立此志成此事此豈可強而致之與從此春秋
聿舉祀典司土者萃諸師生趨蹌瞻拜於
至聖之前殿宇齊肅庭階岌然雍雍成禮能忘今日董

事輪助之人乎能忘畧象舉事不日成工之張令乎
乃進諸生而語之曰學官以崇祀聖賢育才俊非以
爲觀瞻而已今之文士業於文而不知

國家右文之意則文亦虛事耳孟之人士旣知聖賢之
當崇廟貌之宜肅是可以與教者繼自今願孟邑之
令長廣文先生率諸生以明孝弟興禮讓日用行習
皆本聖經賢訓以求不愧衾影不貽鄉黨人言以是
發爲文章皆有心得自不同於撫拾浮辭則其掇巍
科獲高第能無駕於諸邑之上耶入廟而思敬此心
應無分於今古乃叙述其事并飭司事人勒石其創
舉董事及各捐輸姓名皆勒碑陰乾隆二十七年歲

次壬午八月穀旦

啟聖祠在大成殿東三楹南向又前爲敬一亭三楹又
前爲文昌祠三楹又前爲祠門三楹又前南直大路其
南爲舞樓三楹

按啟聖祠始建無考舊志云崇禎十五年知縣張兆
熙重修又云敬一亭三楹今廢又云文昌祠前明萬
厯間同知張祖良建今按文昌祠前明崇禎丙子重
修有教諭孫從訓撰記後於乾隆二十五年至二十
七年邑令周洵張德履繼修縣學因而重修是祠有
二十七年薛清輔書碑并云啟聖祠敬一亭亦與焉
則祠與亭皆於是時并葺者

明嘉靖五年頒發敬一箴碑一通在敬一亭內并程子視聽言動四箴注釋碑四通又范氏心箴注釋碑一通又嘉靖七年所刻諭旨并閣臣楊一清謝遷張璠等表文碑一通又嘉靖七年十月刊布正孔子祀典說碑一通又是年十一月刊布正孔子祀典申記碑一通俱在亭內按右俱通行頒發各府州縣者茲故不復具錄全文

國朝薛清輔書重修文昌祠碑記

紫微垣在北斗魁前文昌六星雖有司中司祿之名不同大率以文教爲宗通典云文昌位斗上欲文命敷於四海法文昌也後人象神設祠以祀恒與孔廟

相依焉孟邑舊祠在城內東南隅墻宇頽壞者有年邑侯周公立齋莅茲土例謁聖廟見之慨然曰興文教培風脉此有司之責亦士人之事也文星位巽方主一邑風脉文教攸關地勢湫隘卑窪不可以居况椽棟剝落非棲神所乎盍改建諸副當蕭公毅臣精堪輿術協力贊其謀又以聖廟逼近城址泮池在櫺星門內規式未合舊有龍門與聖廟相衝直於龍門外別鑿新池甃以磚石規爲始善乾隆甲戌之歲遂聚闔邑紳士建修之維時紳士楊洪等十三人董其成鳩工舉土積填地基坑坎較增丈餘始平建閣於前修厦房數間於後敬一亭啟聖祠亦與焉前後規

模宏廓氣象崢嶸煥然一新而邑中之人文奮興風
脉丕振不於此卜與浚泮之日深數尺下得舊式形
制宛然泉水澄碧人更服二公之識爲不可及云經
營越數載迄丁丑將次就理因邑中他役繁興未遑
告竣今壬午之夏邑侯張公攝篆尊道崇儒聿與文
教倡本邑紳士重修聖廟前舉復興因得以捐修顛
末並姓氏勒之石以垂不朽乾隆二十七年歲次壬

午月日記

明倫堂在大成殿西五楹南向前爲儀門三楹又前爲
大門三楹又前爲照牆一座堂後爲尊經閣三楹又後
爲後堂三楹明倫堂東迤北爲教諭署明倫堂南迤西
爲訓導署已見公署內

按明倫堂舊志不載初建今按明倫堂之名自明始
著元時尚稱講堂元至元二十二年傅夢弼撰學記
內稱知縣郝采麟同知弋惟敬緝學宮外仍修講堂
五楹是也至明成化五年知縣孫芳重修明倫堂五
間并有東西齋書舍饌房見黎淳所撰學記又嘉靖
九年重修見于舊志當卽何塘記黃知常等重修縣
學時事至

國朝順治十七年再修見于舊志無修人姓名又雍正
七年知縣朱永慶重修至康熙二十八年郡通判攝
縣事余三瀛重建儀門有耿澤遠書碑又舊志云尊

經閣三間在明倫堂後明萬曆七年同知張祖良建
久廢今按現閣三楹爲康熙四十二年知縣張之紀
教諭宋銓訓導甄宣化重建者

國朝康熙四十一年

訓飭士子文頒行直省各學恭刻石立于尊經閣內

石刻部牒一通在明倫堂北壁係無朝代年月可考

者

按此牒偃師縣學有之亦無年月與此正同而其學別有一石稍小亦刻此文爲萬曆五年所刻則知此亦萬曆間刻矣

明萬曆二十六年學官題名碑一通在明倫堂上東偏

明萬曆二十九年知縣盧養浩所立按院發銀百兩置買學田地畝碑在明倫堂上西偏

汝瑚按此碑所言田畝今無可考緣時經易代而民
田各有來歷事難遠溯致擾姑存碑目以見前人之
美意云爾

國朝耿澤遠書重修儒學儀門記

天下郡縣學各有明倫堂所以倡明教化廣育人才
所關誠鉅吾孟自金大定中遷城建學宮明倫堂於
縣治之東南隅經今四百有餘歲矣其間損壞修葺
不知凡幾至

國初流寇破城民間廬室化爲灰燼至聖宮牆一望鞠
爲茂草士大夫過者無不動愴涼之感前邑侯西蜀
胡公倡衆重修規模如故獨明倫堂力不能繼遂爾

中止今已巳秋仲郡三府余公兼攝邑篆下車瞻禮
先師坐明倫堂命諸生次第說書目擊凋簷墜瓦惻
然動念欲謀而緝之□□雖傾仄尚聊蔽風雨惟儀
門三楹寸木片瓦無存空餘敗砌土基而已公卽□
□□度工□□□□不踰月而工告竣正□□重
新堂費之資適新邑侯至公還郡於是通庠人士咸
欣然喜色相告曰嚮之蔓草橫披瓦礫灰燼今則亭
亭嶽嶽微余公之德不至此安可無以紀之爰謀於
儒學兩王先生兩先生□□□□命作記勸諸貞珉
以垂永久夫公之佐理懷郡七載以來清風惠政誦
於士民之口者匪伊朝夕其蒞吾孟也自八月朔六
美意云爾

國朝耿澤遠書重修儒學儀門記

天下郡縣學各有明倫堂所以倡明教化廣育人才
所關誠鉅吾孟自金大定中遷城建學宮明倫堂於
縣治之東南隅經今四百有餘歲矣其間損壞修葺
不知凡幾至

國初流寇破城民間廬室化爲灰燼至聖宮墻一望鞠
爲茂草士大夫過者無不動愴涼之感前邑侯西蜀
胡公倡衆重修規模如故獨明倫堂力不能繼遂爾

中止今已巳秋仲郡三府余公兼攝邑篆下車瞻禮
先師坐明倫堂命諸生次第說書目擊凋簷墜瓦惻
然動念欲謀而緝之□□雖傾仄尚聊蔽風雨惟儀
門三楹寸木片瓦無存空餘敗砌土基而已公卽□
□□度工□□□□不踰月而工告竣正□□重
新堂費之資適新邑侯至公還郡於是通庠人士咸
欣然喜色相告曰嚮之蔓草橫披瓦礫灰燼今則亭
亭嶽嶽微余公之德不至此安可無以紀之爰謀於
儒學兩王先生兩先生□□□□命作記勒諸貞珉
以垂永久夫公之佐理懷郡七載以來清風惠政誦
於士民之口者匪伊朝夕其蒞吾孟也自八月朔六

日次月之二日還郡前後總二十六日耳種種善政
美不勝書至加意斯文修理學宮慨然以倡明教化
樂育人才爲已任公真大賢矣哉推斯意也他日履
巖廊秉鈞軸重道崇儒愛人下士以輔

聖

天子文明之治俾聖教丕宣文運休隆者正未有艾寧

僅一邑一鄉已哉余公三韓人諱三瀛字萊臣兩先
生一爲洛陽人諱化遠一爲儀封人諱承命經營區
畫與有力焉故并記之康熙三十八年歲次己巳仲
秋吉旦

名宦祠在文廟戟門東凡三楹

按舊志并縣牘祠內祀晉河陽令潘岳唐檢校常侍

三城使馬燧河陽節度使崔宏禮河陽三城節度使
 烏重允河陽節度使令狐楚河陽縣尉張鷟河陽節
 度使田布韋澳敬昕温造崔彦昭劉沔石雄李珣後
 唐河陽節度使夏魯奇後晉河陽三城節度使符彥
 卿辟河陽從事實儀宋河陽推官竇僖河陽節度判
 官張知白工部侍郎知河陽寇準使相判河陽張齊
 賢富弼河陽節度使曹璨曹瑋知制誥守河陽韓絳
 河陽司法叅軍李之才河陽三城節度使文彥博龍
 圖閣學士知河陽呂公著杜常知河陽縣吳元辰陳
襲傅堯俞河陽判官宋光庭元宣撫使商挺孟州同
 知李鑄孟州知州謝伯彥察兒知河陽縣脫來公孟

州知州范忠相居仁明知縣靳禮李貫林德宗典史

陳浩縣丞竇濬知縣王萱武元謨杜應楚

國朝知縣王日俞知懷慶府崔微璧提學吳景道通省巡撫尹會一凡木主五十

三位

今補祀東漢孟津將軍馮異唐行軍司馬李栖筠河陽
 三城節度使李芑李元淳宋知河陽縣尹源鮮于亨高
 元知河陽軍呂公孺金孟州防禦使么公殉節孟州防
 禦使路鐸元懷孟路總管譚澄河陽縣尹王宏孟州知
 州李義郝采麟孟州郡監塔察兒明孟縣知縣嚴明
 劉澄饒之初萬時俊典史李應選凡增木主二十位

鄉賢祠在文廟戟門西南凡三楹

按舊志祠內祀漢博士張元北魏山北侯張安祖北

周廣城郡公段永唐徐泗濠等州節度使尚書右僕

射贈司空張建封吏部侍郎贈禮部尚書諡文公韓

愈宋左羽林大將軍李重貴太傅魏國公諡文懿馮拯拯長子金州觀察使行已次子右武衛大將軍伸已刑部郎中直昭文館陳貫貫子吏部侍郎龍圖閣直學士陳安石益利路兵馬鈐轄四方館使李渭兵部尚書渤海郡公張閣刑部侍郎顯謨閣待制光祿大夫李伯宗大理丞陳芳元翰林院學士國信使加贈推誠保節功臣昭文殿大學士追封冀國公諡文忠郝經鎮國大將軍浙西道行軍都元帥寧玉福州路總管贈兵部尚書追封渤海侯諡正肅吳恭祖廣東廉訪使欽察公明刑部尚書馮冕工部員外郎交趾同知蓋霖戶部尚書劉思問容城縣知縣薛應祥

大理評事韓爭春應祥子明武昌縣教諭

國朝贈禮部侍郎士傑明沈邱縣教諭攝令事宋民樂明平涼府同知楊四畏明壬午舉人李毓梁明延津縣訓導湯允昌

國朝封資政大夫禮部左侍郎薛抱素凡木主三十位

按此祠號名宦祠皆前明萬曆三年知縣饒之初建者見劉思問撰創建名宦鄉賢祠記至此祠於二十五年知縣杜應楚增修至

國朝康熙十五年知縣胡希銓復修云

明劉思問撰創建名宦鄉賢祠記

河陽當南北午道使車輻湊以故長民者日惟餽厨

傳以稱容不遑安處少間卽事追述鞠獄與追督責
坐此鮮留意風教云我饒侯下車以來視身蒞衆卽
以古循吏自期雖邑當衝夥而博學高才治教恒裕
如也暇日謀諸學博及二三子曰孔廟尊矣然鄉賢
名宦廼聖道之羽翼而立標範于茲土者也宏治中
太宰耿公以韓公退之有關邪衛正之功而河陽又
桑梓之地請于朝得專祀焉嗣是寥寥不接武而饗
者有餘慨矣潘公安仁祠自義起第恐沿久傾圮其
他先後二公而紀諸誌者尚多其人又皆脫略不錄
無乃缺典乎於是鳩工聚材倣各郡縣學之制乃于
文廟戟門外創立二祠東爲名宦西爲鄉賢崇其堂

揭其氏凡誌中所載諸公咸備祀焉用匪帑出役罔
農妨再越月而告完起瞻壯睹俾後之人興繹思焉
祠旣成復同學博及二三子謁予求記予竊謂此祠
當必有矣茲焉得以不文辭廼作而言曰鄉賢名宦
所以崇德報功振風勵俗二大典也豈可缺然如昔
云乎哉韓潘二公雖有專祀然不萃諸學宮卽不附
諸尼父恐其神亦有所不安矣矧其他悉皆散逸無
奠所耶今我侯鼎建而一新之顧於韓潘諸公賴其
表章而凡我後生睹茲舉也寧無景行之念乎鄉賢
如退之起衰濟溺號爲通儒名宦如安仁才名冠世
勤於政績其他嘉問芳躅載在簡策循事慕人何莫

非我師也考諸祀典曰凡有功烈于民者祀之故祀之言思也思則興興則激于中而不容已其生于鄉也必慕吾黨之先哲聿修懷瑾握蘭之行其宦於土也必慕昔人之懿政期貽前父後母之稱尚交于古取則一堂觀感相摩彼此交礪何患乎德業之不光天也耶否則謹聲容而鮮誠懇事俎豆而忽儀刑不特諸公英爽之不臨而我侯建祠之意亦負矣是祠也其有關於風教豈淺鮮哉是用爲記饒侯名之初字子復別號兩石楚黃廣濟人以舉人筮令吾邑性直不阿法嚴有執清慎簡約纖毫絕無點染其鋤刁橫禁醮會平徭均賦公斷裁靡之類尤不可殫述邑

乘白當識之矣予因併紀其略以俟後之議祀者有所憑云萬曆四年十月上旬記

忠義祠在文廟戟門西凡三楹

按舊志祠內祀後魏周急義門張安祖宋一門四世同居義門陳芳元翰林院學士諡文忠郝經元焚券同居義門楊一明欽天監五官監候諡忠愍楊源明孝行李闡尚榦明死節舉人李毓梁凡木主八位

又按是祠舊志不載故剏修皆無考而房亦無卷今但據祠內木主載入而已

又楊忠愍本非邑人因祠地遷主附祀

奎星塔在文廟東南城上凡七層

舊志云明萬曆七年同知張祖良建

魁星樓在文廟東南隅城上凡三層高五丈許

舊志云順治間知縣劉楷造土祀魁星厥後閣板一空梯椽盡失乾隆五十三年知縣仇汝珣重修飾朱補板氣象煥然登望尤高視一切云

學官生員額數

額設教諭一員訓導一員

舊志云明設教諭一員訓導二員明末裁訓導一員國朝順治十五年再裁訓導一員後又裁教諭設訓導一員康熙十九年仍設教諭一員

定額廩膳生員二十名二歲一貢增廣生員二十名附學生員無定數歲科兩考入學各十五名

舊志又載樂舞生六十四名為康熙二十八年巡撫

閻興邦檄設至今尚照辦理

附文廟現存祭器

簋叁拾個

簋叁拾個

籩柒拾肆個

豆柒拾肆個

登壹個

銅拾貳個

壺罇壹個

爵貳拾柒個

福爵壹個

毛血碟叁個

香鼎壹個

鐵香鑪拾伍個

蠟臺壹對

又蠟臺拾貳對

大帛匣壹個

又帛匣拾捌個

祝版壹座

熱爐壹個

銅盤壹個

飲福條盤壹個

檀爐壹個

連條杌香餅盒

庭燎壹對

高燈玖對

燈罩壹對

大供案棹柒張

香案棹拾壹張

牲牛桌壹張

牲俎棹貳拾貳張

棹圍拾壹條

外包袱壹個

袖幔貳個

紅布幔陸個

幔鈎捌副

并竹杆捌根

盆架壹個

麾旛貳杆

連座

旌節貳杆

連座

櫃貳頂

箱貳個

鎖鑰肆把

附文廟現存樂器

大鐘壹個

小鐘拾陸個

特磬一塊

編磬拾陸塊

應鼓一面

小搏鼓貳面

琴壹張

連套

瑟壹張

連套袋架

笙貳攢

排簫二座

塤壹個

篪壹座

笛壹枚

祝壹座

敵壹座

干貳面

戚貳柄

羽叁拾貳根

連翎

籥叁拾貳根

鐘簾貳座

並絲穗

磬簾貳座 並絲穗

鼓簾壹座 連帽並絲穗

琴瑟棹壹張

羽架貳座

承樂器單棹肆張

尊經閣現存書目

御纂周易折中貳部肆套

欽定詩經傳說貳部肆套

欽定書經傳說貳部肆套

欽定春秋傳說貳部肆套

欽頒三禮義疏壹部九十六本

欽定性理精義貳部貳套

御批資治通鑑綱目貳部拾陸套

御撰資治通鑑綱目肆本

康熙字典壹部四十本

欽定學政全書拾貳本

欽定四書文壹部貳拾貳本

上諭參拾捌本

聖諭廣訓直解貳本

欽定明史壹部壹百壹拾貳本

大清律例貳套 又參小套

欽定科場條例柒本

文廟禮樂志壹本

十三經注疏壹部拾肆套

二十一史壹部叁拾陸套

學政全書壹部壹套

學政全書貳部拾陸本

續增學政全書貳部捌本

學政全書陸本

學政條約壹本

科場盡善條例伍本

奏准河工條例壹本

豫省捐監條例貳本

豫省減粟收捐條例壹本

奏准直賑條例壹本

學宮備考捌本

中州彰善錄拾叁本

科場磨勘簡明則例壹本

節次奉發條例伍拾陸本

附書院義學

河陽書院一所在縣署南大街西講堂三楹堂前為二門又前為大門三楹講堂後為後堂三楹講堂下南北齋房各三楹後堂下南北齋房各三楹

舊志云康熙二十三年知縣徐登瀛建今按乾隆十一年知縣繆集重修有自撰碑

繆集撰重修河陽書院碑

余於甲子五月調任孟邑甫下車見縣治南有河陽書院年久廢圮瓦礫榛蕪僅存前三楹岌岌欲傾不禁低徊久之曰此興賢育材地也聽其鞠爲茂草可乎慨然有興復志嗣以修城未暇也丙寅春城工告竣乃謀捐俸修葺比材鳩工講堂齋舍廊廡門垣煥然一新經始四月之初至七月而落成於季者所錄士拔取其尤傑肄業其中延品端學嫺者董課事乃進多士而告之曰書院之設所以講明寔學造就人材也近來士子惟知習學時文以爲科舉梯榮之具不知講明聖賢修己治人之實學身心民物久置度外嗟乎何其志小而量淺也古人讀書在乎識力識造則氣象宏大力重則負荷克勝先之小學孝經以植其力繼之四子五經以廣其識而窮理力行存誠去僞養成光明俊偉之器發爲明體達用之言是以處則孝友慈讓立身修德鄉里爲文章品行之宗出則忠清勤慎正己化人

朝廷有事業功名之望此古人所重於讀書也乃若朝誦夜吟窮繪筆墨志在利達已成俗流又下而止望一青衿以爲支持門戶出入公庭武斷鄉里此最卑下之習而謂有志讀書者爲之乎用望孟之人士入此學者立品欲其剛方立志欲其遠大立心欲其正直從事於小學孝經四子五經之書以求乎孔孟顏

曾周程張朱之理飭志敦行強識多聞以有本之學
抒爲有本之言處則爲名儒出則爲名臣既可備

聖世菁莪楨幹之材而復可作鄉邦祥麟威鳳之瑞是
余之所厚望也不然則所爲書院者僅爲一時之觀
美而無與於興賢育才之道豈今日建學之意而異
時屬望之心乎因書之石以示孟人乾隆十一年歲

次丙寅月日記

李嵩撰繆邑侯重修河陽書院碑

河陽書院者前邑侯徐公所建也時縣治之南境踞
通衢之右壤歷年久遠勢將傾頽雖有書院扁額而
做廬三楹僅爲雀宿門房一所亦被蛛封屬在紳士

莫不心傷究竟舉修無人徒增悼嘆耳邇者幸逢邑

侯繆父母家學淵源文名共仰自甲子夏謫任茲土

甫下車卽慨然有興復志會因城工方亟未遑經營

閱丙寅乃捐俸修葺就前模而式廓之俾講授有堂

肄習有齋廊廡庖厨無不鱗次落成蓋基猶舊也而

氣象聿新矣工旣竣又勒訓於石以示孟人其言以

矜詞章誇勢利爲可鄙而惟以濂洛關閩敦本崇實

之學爲諄諄於此見繆父母之功偉而其爲孟邑之

士子慮者至深且遠也夫天下郡縣無遠邇大小類

皆有書院之設而循名核實原欲育養天下士之秀

者使各明乎三代立教之意以窮理而盡性修己而

治人自夫人習焉不察高者終日操觚但馳騫於聲
華卑者一朝採芹惟支持乎門戶遂有身列書院而
於興賢育才之道仍茫乎若迷者茲得繆父母闡揚
宗旨開導士子之聾聵則入院也豈徒美輪美奐瞻
棟宇之輝煌朝斯夕斯樂絃誦之有地抑且觸彞訓
警厥心敦本崇實一衷諸明體達用之學而不敢誤
入於岐趨矣由是講學術則以道脉紹心傳做秀才
則以天下爲己任處則可著書于名山石室出則可
樹績于清廟明堂繆父母之培植豈淺鮮哉嵩等幸
戴福星敢忘化雨用瀝蕪詞以誌侯諱集字禮齋丁
未進士江南秦州人是爲記乾隆十一年歲次丙寅

月日記

學山書院在縣署西有堂五楹東齋房三楹大門一間
舊志康熙三十二年知縣劉凡建有自撰碑記書院
地基五段計六畝九分六釐零又并有雍正八年民
人范元魁賣地與知縣陳永正作書院地畝文契碑
國朝劉凡撰學山書院記

將求高巖深谷曠如奧如之境以娛心而養神必之
乎寬閑寂寞之濱而後得焉將觀冠裳文物車書之
所輻輳必之乎通邑大都而後得焉狀以通邑大都
人物文章之所聚而欲以學爲來以文爲會非屏人
事却塵囂而之乎寬閑寂寞之濱者不能古者大學

在郊又如鄭有大事則子產與裨諶載以郊野卽其
義也河陽舊爲大鎮當晉宋時甲第名園幾半邑內
今則風禾露黍白草寒煙而已矣狀其土樸而勤其
民貧而儉猶有先王之餘風焉予自己巳下車邑務
有暇卽延諸生講學論文殆無虛日而縣齋偏仄雜
貯簿書耳目之前不無別營並進之擾便欲擇一席
地以爲清談高會之所而久未得也壬申初冬偶適
城西北隅見義倉數楹軒敞盤拔迥對高峙俯臨窪
溪青哇數行老樹成列密窺雉堞巖著高山日夕風
寒光景蒼冽予因心自諱曰此間大有靈境而邑人
皆未之知也旣而偕薛君子實數遊其地相度形勢

惟子實亦以爲佳遂謀徙義倉於他所而更其地以
爲書院焉顧書院之前高宜堂窈宜亭中宜築堤爲
梁以通往來心固欲速其成而力未能也適邑之俊
民初升於學例持朋酒以爲令壽則笑謂曰予安用
此其亟就爾功諸人益喜用命數日之間堂者堂亭
者亭堤者堤而梁者梁矣木用土宜陶取素質因陋
就簡不煩人工向之種葵蒔菜畚鍤之餘高高而下
下者若以待今曰書院之設而成一寬閑寂寞之靈
境俾予與二三子得以暇日息肩於此而忘其身之
右迤迨大都中也豈不快哉顏之曰學山書院蓋其
延野綠而暇天碧者有山意焉魯人將有事於泰山

必先有事於配林積小至大之意也堂曰起予堂惟
敦學半先師已言之也亭曰菜根亭卽所見而以古
人之言爲韋弦也履斯地者願與我相與於有成
雍正二年石刻范元魁賣自己水運村地二段文契
後所載地畝

一段地一十二畝八分四毫一系其地南北呀東至
劉才等西至李王祿南至陳時升北至李作蕭
一段地二畝三分一釐三毫三系內有出路一條其
地東西呀東至劉作富西至劉軒南至劉祥北至劉
花

又云今將載道里前五甲魁父瑁名下正糧地十畝
七分八釐三毫三系情愿開於本里義田甲子孟學山
名下當差

今按學山書院地現存十五畝一分折正糧地十畝
七分八釐三毫坐落城西北水運村

花封書院一所在城北關講堂三楹南向曰景韓堂前
爲二門又前爲照牆大門三楹東向景韓堂後爲軒三
楹又後爲後堂三楹講房前後齋房共二十楹乾隆五
十四年知縣仇汝瑚建

仇汝瑚撰創建花封書院記

今夫書院之設所以興賢育才也故士之讀書其中
者必不徒務其名而宜有其實然後居可爲表率而

出可爲棟梁是固宜然然而守土之官設書院於其地者亦不可徒有書院之名而無書院之實苟無其實而責士以不能問學力行是無異却行而求前也孟古河陽縣地縣舊有前令徐君登瀛所建河陽書院一區在署南大街舍宇湫隘又當衢路之旁斯邑爲大河南北衝要旌節往來車馬絡繹其公廨不足以容而城南民居急遽或無可假則書院亦常爲駐節之所而士遂多不欲讀書於其中且又無膏火而不能以各給余嶺南末學素無才術忝蒞斯邑自前歲丁未秋視事未及月餘時則有睢汎開挑引河之役歲暮始竣而次歲春夏苦旱勞心焦思祈望雨澤

幸而轉歉爲收然嘗恐無當於養民之實蓋心恒惴惴然至書院一事兩歲來從倥傯中但假邑署東偏空宇使士人讀書其中延師設教并捐俸爲修脯膏火士亦孜孜向學蓋去歲至今歲兩值科舉士之獲與正副薦暨選貢者數人亦遂出於其中余因以知夫諸人士之尚可進而有爲也顧私獨念假館受業終非久遠之計因於暇日周覽城壩於北門外見有土阜隆然其上古柏成林與諸古樹翠色蒼然相間而廟宇頽圯無復規模詢其名曰什方院問其由來則曰此前明天啟間邑人楊君鳴寶所修以爲習靜之地者厥後楊君無子遂捨田四十畝爲修院之資

今田雖尚在而僅存少年僧一人故不能修復余於是復深念斯宇何得使其頽廢至是且楊君捨田修院而獨庇一人何若改建書院使邑士共得讀書其中爲庇豈不更衆及謀之邑中紳士僉以爲然然而其屋宇則已不復可用因選工擇日撤而易之埏埴庀材百堵交作於是周以墻垣繞以長廊作講堂三楹於其中南嚮堂前爲二門亦南嚮堂後爲軒三楹北嚮又爲後堂三楹復南嚮而長廊自二門以內至於後堂凡二十楹又爲庖廚及執事人等各造旁房而轟大門三楹於二門之外大道之西相去可二十步東嚮題曰花封書院大門之北別爲楊公祠三楹

其所捨之田詳請郡憲將二十畝撥入書院爲獎賞之資仍留二十畝足供此祠香火之費復於祠後構靜室數楹使少年僧仍居其中以示不忘前人捨田之意入大門而望之則翠蔭丹甍互相映發及歷二門升講堂而望之則南向層城平展如按北倚筆架山三阜屏列西帶紫金山東環北水廟風氣廻聚而北城門上一樓高通霄漢正當講堂之東南方巽位用形家言爲文筆之象異哉此地得非昔人預闢於其先以爲今日人士興學修業之地者乎然而是役也自興造至於竣事凡兩閱月其間無日不經營區畫費用亦皆捐俸所出其每歲修脯膏火仍俟捐俸

設措而復得縣尉錫山張君葆不辭勞瘁日往督視
既勤且敏故成功爲甚速然我邑之子民雖樂於趨
事而亦既勞矣旣成因舉酒落之余遂進諸生而告
之曰諸生知花封書院之取義乎昔潘公安仁以清
淨作縣於此好植桃李茲地其遺封也故以爲名然
余竊更有意焉凡花必以成實爲貴故桃李爲佳植
今諸生之讀書於此院者旣信美矣若佳花然然而
必有問學力行之實苟無其實卽所謂無實之花耳
詎桃李比耶是故其始也余甚懼夫河陽書院之但
爲公廨無書院之實而徒有書院之名今則又慮夫
諸生之但有讀書之名而無讀書之實倘能培根娛

實使夫根茂實遂有如邑先賢昌黎韓公之爲以遊
於聖賢仁義中正之途將表率棟梁於是乎在卽科
名亦不求而自得則余更何間焉也耶抑余又有願
者竊願後之君子守斯土者毋亦念夫讀書者之宜
培植勿以公事擾之卽河陽書院固不妨并存以俟
士之自學而尤與勿使斯宇之又爲公廨以其永夫
庇士之澤是尤余之所厚望也夫是爲記乾隆五十
四年歲次己酉冬十一月下澣造

附錄馮敏昌擬景韓堂記

昔孟子謂聞伯夷之風者頑夫廉懦夫有立志而韓
子之頌伯夷曰一國非之而不顧舉世非之而不顧

蓋信道篤而自知明也嗚呼自孟氏而後未聞有以道爲心自道所得若韓子斯言之深切而著明者也蓋自聖人之沒道晦千載二氏交訖世之人以沒利之心爲求福脫罪之想故其惑于釋氏者視老爲尤甚彼其中唯有欲斯固已靡然從之矣又况其於大本大原之地有見能出論而與之角以至冒忌諱羅竄逐性命幾殆而不顧者乎善夫皇甫湜之言曰非苟知之亦允蹈之夫非惟知之之難而尤允蹈之之難也允蹈者何蹈道之謂也韓子唯能以是心而出之並以觸倖佞之銛犯兇逆之燄百折不回用是而乃潰于成嗟乎非卽所謂信道篤而自知明者乎斯

其爲百世之師也又奚疑焉若其文得雄直之氣以起八代之衰則亦皆此允蹈者之爲之也道之外者歟故嘗以謂學者於韓子之文則好之於韓子之蹈道而不好之非知道者也斯其文亦必不若韓子矣孟古河陽地爲韓子故里乾隆丁未余姻親靈山仇君汝瑚碩夫甫作令于此汲汲然以興學爲務歲已酉遂撤禪院以建書院其亦有得于韓子之意者歟仇君屬余名其院中之堂因以景韓名之并爲之記而推原韓子之能蹈道以雄于文者俾其鄉之後進登斯堂者想見其爲人比諸聞伯夷之風因以適於聖人之道焉

五原志卷三
花封書院地二十畝折正糧地九畝九分二釐二毫
坐落城北後迷村

沈河鎮義學一所在城東二十里沈河鎮

今按舊志載沈河義學舊址無存康熙二十三年知
縣徐登瀛就鎮內法雲寺設爲義學至乾隆十五年
重修張鏞作記

沈河鎮義學地畝舊志云鄉民劉孟秋韓珠置今按
共地八畝并列於后

- 一段地四畝坐落上口村北
- 一段地三畝坐落本鎮西北
- 一段地四畝坐落高家路西

一段地十畝坐落黃家路西

一段地四畝坐落天字一號黃家路西

一段地十三畝坐落天字一號黃家路西

一段地二十畝坐落天字一號黃家路東

一段地五畝坐落天字一號黃家路東

南上寨義學一所在城西十五里上寨村瓦房三楹窰
房三座

舊志云鄉民湯承祚等置學田四十餘畝今按學有
崇禎六年刻學記并載地畝在後

明湯民化撰南上寨義學記

家大人別墅南上寨見其孝弟謹厚者固多痴蠢愚

魯者亦不少揆厥所自皆由貧不能請師讀書而明
 理故也于是糾鄉眾議建其學于村之南或出地或
 出貲更買地數畝以供請師讀書之費崇禎庚午歲
 上文令各縣鄉村設立義學以教童蒙邑侯李公遂
 因之以荅上意且憐其地薄民貧詳豁其糧噫李公
 之嘉惠此鄉可謂至矣但恐世遠年久不肖輩侵其
 地以為己私抑或猾胥作奸且以沒李公之善故將
 事之緣由人之姓名與夫地之畛段坐落畝數勒于
 石以垂永久更有望于後之君子官儼邑而遊是鄉
 者重加培植焉李公諱希揆號鹿胎天啟壬戌進士
 雲南人家大人諱承祚號壘菴始于萬曆三十六年
 八月二十一日落成于三十八年九月初六日
 于崇禎三年春三月是為記

計開

湯承祚出地一段八畝在廉家庄東南北畛又錢一
 千文

雷時恭出地一段三畝在本村東南南北畛

劉不息出地三畝在南嶺上東西畛

雷光代出地二畝五分在南嶺上東西畛

雷光昶出地二畝五分在車村西東西畛

雷友志出地五分作義學雷子春錢二百五十文

買廉尚義地五畝在村東南北畛買殷邦印地九畝

在村西北東西畛買雷世道地七畝在村西溝北南北畛共地四十畝

廉治奇錢二百五十文李本才錢二百五十文湯指南錢五百文廉治錢五百文廉尚義錢五百文張九常錢五百文張九叙錢五百文田孟錢八百文曹子忠錢五百文張行志錢五百文李本愛錢五百文張九成錢二百五十文殷尚進錢二百五十文張進忠錢五百文閻守忠錢二百五十文崇禎六年癸酉月日

今按南上寨義學田四十畝尚存坐落本村地面學仁書院一所在城西三十里順礮村有堂三楹大門

三楹雍正四年邑人崔秉純建并置地一十八畝

學仁書院地畝列后

地一十八畝兩段俱坐落村東一段八畝東西畛東至于崙西至道南至崔要魁北至于元振一段十畝南北畛東至崔士秀西至崔加會南至存禮北至窑廠

按舊志載有同寅書院造士書院城內社學之名并云今廢今其處俱不可考

兵防

城守官

舊制河北總鎮標下右營經制把總一員分防孟縣後

于乾隆二十年改防別縣其分防孟縣用經制千總一員乾隆四十七年以後千把總輪替五十二年以後仍用把總如舊制把總每歲例領俸薪銀三十六兩乾隆四十六年新制每歲加養廉銀九十兩每兩月支領一次俱在本標右營守備衙門支領

兵馬

定制兵丁四十六名內馬兵八名守兵三十八名馬八匹馬兵每名每日銀壹錢馬匹草乾銀三分三釐在內守兵每日銀四分每兩月支領一次俱在本標右營守備衙門支領

墩臺

河陽驛墩臺一座在城南門外五里護城隄上長店墩臺一座在城北十里羅庄墩臺一座在城北二十三里俱臨官道每墩臺一座馬兵二名守兵三名防守

謹按孟縣地控河山之會古有三城之險周齊唐宋兵防綦重至我

朝文德遐宣威聲遠暢南北東西各踰萬里百餘年來從

無雞鳴犬吠之警生斯時者亦幸矣哉然而此縣亦設分防兵弁而總其權於河北總鎮則似輕而仍重蓋安不忘危有經畫存焉乃舊志略兵防而不載則亦非記事之體矣茲故謹載今制其分防官弁姓名則見于後職官志云

水利

元

廣濟渠在懷孟路引沁水以達于河世祖中統二年提舉王允中大使楊端仁奉詔開河渠凡募夫千六百五十一人內有相合爲夫者通計使水之家六千七百餘戶一百三十餘日工畢所修石隄長一百餘步濶三十餘步高一丈三尺石斗門橋高二丈長十步濶六步渠四道長濶不一計六百七十七里經濟源河內河陽溫武陟五縣村坊計四百六十三處渠成甚益於民名曰廣濟三年八月中書省臣忽魯不花等奏廣濟渠司言沁水渠成今已驗工分水恐久遠權豪侵奪乃下詔依

本司所定水分已後諸人毋得侵奪至文宗天曆三年三月懷慶路同知阿合馬言天久亢旱夏麥枯槁秋穀種不入土民匱于食近因訪問耆老咸稱丹水澆溉近山田土居民深得其利有沁水亦可溉田中統間王學士亦爲天旱奉詔開此渠募自願人戶於太行山下沁口古蹟置分水渠口開濬大河四道歷溫陟入黃河約五百餘里渠成名曰廣濟設官提調遇旱則官爲斟酌驗工多寡分水澆溉濟源河內河陽溫武陟五縣民田三千餘頃咸受其賜二十餘年後因豪家截河起堰立碾磨壅遏水勢又經霖雨渠口淤塞隄堰頽圯河渠司尋亦革罷有司不爲整治因致廢壞今五十餘年分水

渠口及舊渠跡俱有可考若蒙依前浚治引水溉田於民大便可合河陽河內濟源溫武陟五縣使水人戶自備工力疏通分水渠口立牐起隄仍委諸知水利之人多方區畫遇旱視水緩急撤牐通流驗工分水以灌溉若霖雨泛漲閉牐退還正流禁治不得截水置碾磨栽種稻田如此則澇旱有備民樂趣利請移文孟州河內武陟縣委官講議尋據州等處申親詣沁口諮詢耆老言舊日沁水正河內築土隄遮水入廣濟渠岸北雖有減水河道不能吞伏後值霖雨蕩沒田禾以此堵閉今若枋口上連土岸及於浸水正河置立石堰與枋口相平如遇水溢閉塞牐口使水漫流石隄復還本河又

從減水河分殺其勢如此庶不爲害約會河陽武陟縣尹與耆老等議若將舊廣濟渠依前開濬減水河亦增開深闊禁安磨碾設立牐隄自下使水遇旱放牐澆田值澇閉牐退水公私便益懷慶路備申工部牒都水監回文本路委官相視施行

元史河渠志

按孟縣前代水利見于史傳者自元朝始其前若魏典農中郎將司馬孚之修枋口以及唐河陽節度使崔宏禮之治河內秦渠懷州刺史李元淳之決沁渠河陽節度使溫造奏復懷州古秦渠枋口利在河內諸縣未聞有分及河陽之說惟元史河渠志此渠所經有河陽之名蓋此渠實後人鑿五龍口之先聲也

惜分漑此縣故道不復可問耳

元世祖中統三年郭守敬面陳水利六事其一云黃河自孟州西開引少分一渠經由新舊孟州中間順河古岸下至溫縣南復入大河其間可灌田二千餘頃世祖歎曰任事者如此人不為素餐矣授提舉諸路河渠

元史

郭守敬傳

按此渠實孟縣本境內水利惜故道今廢或疑當日但託空言不知郭守敬精于算學水利凡所建白皆有成效故其後元成宗歎曰郭太史真神人也云云今按孟縣自野戍鎮以下至溫縣南渾地甚多意當時必從野戍鎮近河處所就河側安立轉水大輪之

類激水從高處順下蓋即經由新舊孟州中間一語觀之即可知其故道大概不可謂并無其事然非有大力亦不易就耳

明

廣濟河明萬曆二十八年河內令袁應泰鑿山引水為渠由濟源河內孟縣溫縣武陟至唐郭入于黃河渠闊八丈長一百五十里分二十四堰使水各有時刻勒石詳記厥功又濟源令史記言因之鑿其下曰永利河云

舊郡志

按廣濟河永濟河即今所謂五龍口三洞之二其一則利豐河舊名豐稔河或謂即枋口故道者是也廣濟

河昔日之漑孟地亦見于袁公當日石刻申詳條款云本河自太行山鑿洞引水經濟源孟縣河內温縣武陟以達于黃河延袤一百五十里云云則孟地當時曾被廣濟河利非虛言也今則廣濟河但漑河內而不及孟矣詳見卷二水利圖內所載今廣濟河形蓋後惟永利河下流及利豐河下流尚漑及孟地耳餘濟河明天啟五年從縣境接濟源之永利支渠及河內之豐稔渠

舊郡志

按此渠緣起大略見後崔聘三餘濟河紀事碑又按郡志所謂永利支渠者永利東支也自濟源官庄東起由楊家墳大小衛村王亮葛萬至本縣之趙改村類激水從高處順下蓋卽經由新舊孟州中間一讓觀之卽可知其故道大概不可謂并無其事然非有大力亦不易就耳

明

廣濟河明萬曆二十八年河內令袁應泰鑿山引水爲渠由濟源河內孟縣温縣武陟至唐郭入于黃河渠闊八丈長一百五十里分二十四堰使水各有時刻勒石詳記厥功又濟源令史記言因之鑿其下曰永利河云

舊郡志

按廣濟河永利河卽今所謂五龍口三洞之二其一則利豐河舊名豐稔河或謂卽枋口故道者是也廣濟

河昔日之溉孟地亦見于袁公當日石刻申詳條款云本河自太行山鑿洞引水經濟源孟縣河內溫縣武陟以達于黃河延袤一百五十里云云則孟地當時曾被廣濟河利非虛言也今則廣濟河但溉河內而不及孟矣詳見卷二水利圖內所載今廣濟河形蓋後惟永利河下流及利豐河下流尚溉及孟地耳餘濟河明天啟五年從縣境接濟源之永利支渠及河內之豐稔渠

舊郡志

按此渠緣起大略見後崔聘三餘濟河紀事碑又按郡志所謂永利支渠者永利東支也自濟源官庄東起由楊家墳大小衛村王亮葛萬至本縣之趙改村為餘濟河所謂豐稔渠者豐稔南渠也自河內鄧村起至本縣之趙改村東入餘濟河餘見後文

國朝

順治三年邑人以餘濟河但接永利東支水勢尚小因自遂村更接永利南支餘水至南雍官莊滙前渠入孟境至趙改村分水池分為南北二支南渠自趙改村逕洪道曲村西姚前姚立義等村入淇長十五里北渠自趙改村經羅莊後姚吳寨南董趙莊藥師子昌等村入沉長十八里二渠身寬七八尺深五六尺不等

志暨沈志稿及縣牘所載

右雜採舊府縣

按餘濟河南北二渠之蹟今存至舊府志謂康熙二

司馬完卷三
二十九
十九年縣令劉凡以比歲苦旱又令民濬其下流漑
陳村及城北張家莊韓丈緱村段渠等處田者今則
無復故蹟矣

國朝邑人自餘濟河重接遂村水利記

此碑在濟源縣
境內官庄之西

餘濟
河側

沁水出上黨謁辰山迤邐迄野王之枋口川巖蕩析
波勢蓊匄古人導以漑田不知昉於何代自魏司馬
孚表興河內水利蓋土人資以爲歲久矣繼此陵谷
移易又不知湮塞何時明萬厯庚子間河內令鳳翔
大司馬袁公應泰創鑿廣濟洞渠而濟侯史公記事
於少下數武亦繼鑿永利渠蓋與廣濟同其灌溉云

然廣濟下流百五十里許派之支分以二十餘計濡
濡所暨爲邑者四而永利南流不逾二十里迄於濟
境而止何其功溥而被狹歟且其支流所注爲渠僅
二一渠東南透折至官庄入溟一渠南逕遂村東桃
園入溟逕官庄者天啟辛酉間河內大衛孟縣曲宏
等村士民接爲餘濟一渠涓涓幾何而上游者又復
多所恡閉澤不及遠康熙丙戌五月偶偕姻婭司李
楊君循如步至桃園砦口見水自遂村來者奔放湍
決建瓴入溟濺雪吼雷驚濤怒迅以此爲胡非斯民
之命而委脂膏於逝波哉乃相與相厥形勢曰可折
而北合之餘濟以補不足惟是異日者攬越正號則

濟之人以爲惴惴爾因指水矢心曰以餘干正有如
此水衆乃欣欣有愉色走牘請之鄉先生銀臺段公
侍御公咸曰可而濟侯晉公孟侯傅公同蒞厥事
傅侯且卽投牒上官報可畚鍤肇興於丙戌六月之
六日落成於丁亥某月之某日而餘濟尺濤幾幾乎
永利全浸矣先是縣南雍村迤南墜汗下水勢不能
軌而北詢之父老僉請架橋渡水可利攸往于是捐
二百金建木梁以漕水并用價購民地若干畝爲渠
基由是逕南雍東流官庄北環塢中丞祖塋前爲帶
形漕之餘濟舊渠深廣倍之首大衛次小衛王亮葛
萬爲河內地其在孟境者則曲村宏道羅庄堯村吳
然廣濟下流百五十里許派之支分以二十餘計
濡所暨爲邑者四而永利南流不逾二十里迄於流
境而止何其功溥而被狹歟且其支流所注爲渠僅
二一渠東南透折至官庄入湜一渠南逕遂村東桃
園入湜逕官庄者天啟辛酉間河內大衛孟縣曲宏
等村士民接爲餘濟一渠涓涓幾何而上游者又復
多所恣閉澤不及遠康熙丙戌五月偶偕姻婭司李
楊君循如步至桃園砦口見水自遂村來者奔放湍
決建瓴入湜濺雪吼雷驚濤怒迅以此爲胡非斯民
之命而委脂膏於逝波哉乃相與相厥形勢曰可折
而北合之餘濟以補不足惟是異日者攬越正號則

濟之人以爲惴惴爾因指水矢心曰以餘千正有如
此水衆乃欣欣有愉色走牘請之鄉先生銀臺段公
侍御周公咸曰可而濟侯晉公孟侯傅公同蒞厥事
傅侯且卽投牒上官報可畚鍤肇興於丙戌六月之
六日落成於丁亥某月之某日而餘瀝尺濇幾幾乎
永利全浸矣先是患南雍村迤南墜注下水勢不能
軌而北詢之父老僉謂架橋渡水可利攸往于是捐
二百金建木梁以漕水并用價購民地若干畝爲渠
基由是逕南雍東流官庄北環楊中丞祖塋前爲帶
形漕之餘濟舊渠深廣倍之首大衛次小衛王亮葛
萬爲河內地其在孟境者則曲村宏道羅庄堯村吳
家寨趙庄藥師蓋沐浴膏液者墮以十餘里則四十
焉是舉也利在奕世廣其惠以及鄰者濟之鄉先詰
與諸子衿義民也主其事者晉侯傅侯而相度鼓舞
以利濟我一邑者司李楊公之德爲最宜壽貞取以
誌不忘晉侯諱承家山西洪洞人傅侯諱爾棫遼東
蓋州人銀臺韓國璋萬曆癸丑進士侍御諱維新萬
曆己未進士司李諱挺生循如其字子衿義民則商
生昌祚李生篤等也時

順治四年歲次丁亥月日記

邑人撰重浚餘濟河渠記

懷郡水利盛於河內濟源二邑孟獨灌溉不及自天

啟五年始接河內豐稔河之下流繼後復接濟源承
利河支以分涓涓之潤而邑之北境始有餘濟一渠
乃上流者苦於澤之無多每壅閉不能下究僅存渠
之名無渠之利逮順治丙戌之歲里人謀爲架橋於
南雍迤南接遠村全渠至官庄滙二渠東注經河內
之大衛王亮葛萬入孟之曲村迤東洪道趙蓋羅庄
後堯村吳家砦趙庄藥師復以餘濟之餘波及韓章
立義前姚村而民始獲溉田之益然慮始之時草草
創作渠狹淺不能多受水潦易羨溢爲害曠以蓄水
少仍弗克遍霑濡戊戌之秋細筭劉侯履畝省斂慨
然曰盍浚諸以爲吾民溥利濟乎躬詣南雍集眾鳩

工深廣定式怠而不及格者懲無貲鄉人踴躍畚鍤
雲興未兩月而告成事因民之所利而利衆遂咸喜
貢生趙邦治生員李蘭公直崔大裕等來請記因欣
然曰水利之神於民大矣自秦鑿鄭國渠注填關之
水溉烏鹵之地四萬餘頃收皆畝一鍾於是關中爲
沃野無凶年而白公等渠繼興利及萬世卽懷郡首
魏司馬孚表興野王水利以後生民富庶其所由來
者遠矣顧興廢由人肇造經始芳規在前而疏湮導
淤繼起之功未可廢也嘗考西門豹令鄴鑿十二渠
引漳水灌田至今傳有西門渠而班史溝洫志引史
起語曰魏氏之行田也以百畝鄴獨二百畝是田惡

也漳水在其旁西門豹不知用是不智也知而不興
是不仁也於是起爲鄴令引水溉田民乃作鄴有賢
令兮爲史公之歌千古艷傳青史以今尙論鄴之水
利始於豹而起以不仁不智譏之豈西門之渠工有
未盡善故利有未大溥史公繼之乃遂施澤廣而利
濟永歟今餘濟一渠雖開之於前而民不沾實惠侯
浚而深廣之厥澤乃下究而利賴滋大昔人云莫爲
之前雖美而弗彰莫爲之後雖盛而不傳侯茲寧宗
幾史公之於西門矣我孟民當有繼鄴民而爲歌者
耶侯諱楷順天之大城人是役也凡厥利戶咸竭蹶
趨事而率作經營鼓舞不倦者公直某某等勞績爲

最因並記之時

順治十五年歲次戊戌月日記

崔聘三撰餘濟河紀事碑

此文刻於穀且北二里
關帝廟內一碑之陰

濟源縣舊有永利河一道下分二支東一支由官庄
東入溟河西一支由官庄西桃園砦入溟河是有用
之水徒委諸河伯申公天秩與余祖邦慶並族祖邦
彥於天啟五年告准府道詳允接其餘水以灌孟田
遂以金一百零六兩一錢錢九千三百買宋思問和
旻等六十一契地一頃零四畝五釐餘濟河於是有
身接永利河東尾自官庄東由楊家墳大衛小衛王
亮葛萬至趙改村東分支南支由洪道至曲村南丁

家庄入溟河後亦接其餘於姚村等處北支由曲村羅庄姚村吳家寨趙庄至岳師入濟河後亦自吳家寨東分接其餘於直義等處天啟六年郭名金告爭本府推官周申明道府余祖並申公又接引豐稔河尾一道自鄧村起至趙家村東入餘濟河順治三年夏鄉人以餘濟一渠分河濟灌溉之沐灑孟民桑麻之潤甚盛事也但慮其澤之無多若遇天旱水必壅閉而不下於是復捐金錢二百八十八千七百七十買濟民邵永寧商性等三十三契地三十二畝九釐二毫五系爲河身一道接永利河南支起自南榮村南過官庄至楊家墳東入餘濟河又以南榮村南東

西有港謀爲架橋一座慮無土修補又於架橋之下買地六畝土以備修橋緩急之用租以充守閘工食之資此時本縣縣公傅諱爾棫實共成其美委總管李公諱長國公直趙公諱以龍督工又訪求舊役公直天秩之子諱得民並余父大裕問利地之有無夫役之多寡李公與余父等四人計地派夫將孟縣之民編爲四小甲頭小甲夫十名二小甲夫十名半三小甲夫八名四小甲夫十名零六分外大衛小衛王亮葛萬四村夫十名半共夫四十九名零六分集衆鳩工不兩月而告成又慮守閘無人旱固不得水澤澇亦難免滄沒衆利戶攢金十兩四公直出銀四兩

每年作利銀七兩以抵五龍口守閘工食守閘夫李
思孝立券收訖日後不願守閘將本銀十四兩退回
至餘濟河糧蒙本府糧河廳佟署濟邑事丈量地畝
將糧一槩申除余與利戶邢可仁等恐河務多端日
久差訛故搜求遺文將事之始末勒之于石以垂不
朽云

康熙十六年歲次丁巳孟夏上浣原往湖廣沔陽衛
掌印守備崔三聘撰 公直李長國申得民趙以龍
崔大裕 堰長邢可仁小甲朱習儒崔大鳳張光化
常文治暨槩河利戶全立

薛京重修餘濟河官庄東北架橋碑記 在穀旦鎮北
二里 關帝

廟內 京邑人康熙
癸酉科北闈舉人

孟邑南瀕大河北貫滎水而地少水利雖史稱元世
祖時郭守敬請分黃流一渠以灌温孟民田中統天
厯間王允中楊端仁阿魯不花阿合馬等奉詔濬沁
水廣濟渠以灌河濟温孟之地然故道皆湮沒已久
不可復考以故一遇歲旱則膏腴盡為石田民甚苦
之明天啟五年先伯父同公直申天秩崔維世趙以
龍李長國謀接河內之豐稔河後

國朝順治三年又接濟源之永利河滙為一渠名曰餘
濟澆灌趙槩宏道曲村羅庄姚村吳家寨趙庄藥師
諸村田雖餘波所及沾濡無多然數村得沐膏澤亦

時時獲有利濟甚盛事也但河道紆遠高下不等其
間架水有橋蓄洩有閘非時爲修飾最易頽廢先大
人博白公體伯氏之志每歲鼓舞振作與諸公直協
謀整理故得久而不壞迨先大人捐館舍而河上諸
老成人亦俱凋謝殆盡遂事多廢弛官庄東北有架
水橋一座年遠衝激擊石俱圯以致所接永利下流
滔滔汨汨盡傾入溟河涓滴不下仰沾餘利者惟有
望洋浩歎而已丁亥秋長王一耀携小甲張廷世
張名高耿士倫張魁選等來謀於余余不忍先人之
遺澤廢而莫繼也遂偕水部高公同詣核計集諸公
直小甲鳩工庀材重復修理不匝月而告成於是向

之滔滔汨汨者復東注而下羣沾利益矣工旣竣堰
長請勒石紀其事余謂此不過襲前人之遺蹟而修
整之非甚鉅工亦胡足紀旣而思莫爲之後雖盛弗
傳正宜書以貽後之人凡有廢墜卽當補葺慎勿畏
難苟安以似以續於無窮庶前人之利濟甚隆而亦
有艾乎不寧惟是孟邑地狹民貧水利無幾倘後有
賢令宰如郭守敬王允中輩接踵而起睹茲利益必
更講求故事廣謀疏濬以資灌溉是沾膏澤者將不
止此區區數村已也則茲橋之修所關不綦重哉遂
泚筆而爲之記

康熙四十六年孟冬吉旦候補內閣中書癸酉科舉

人薛京撰 崔爾璧書丹

李澤基餘濟河斷塞私青溝碑記 在穀且鎮北二里 闕帝廟內

壬辰夏五月范村姬明志和尚朗明姬天章蘇彥貴

等在分水石東半里許私開青溝一道攙截利水公

直崔維世之弟崔一連堰長王訓具告分府唐太老

爺案下批孟縣左堂俞查審斷明詳允批關會河內

捕官趙又復委河內河衙范兼督押令姬明志等將

所挑之溝作速填塞猶恐刁風復熾再行私開立石

垂戒以杜後患王永先半枕之水其地俱枕大河仍

照舊例澆灌凡挑濬夫役公費張薄煙張臨吾情願

包補應承取具甘結存案原批勒後

唐大老爺批據詳餘濟河一道原係孟邑人與崔一

連之前人出銀買修永圖餘濟利內有河內縣范村

王永先半枕之水灌田一項二十五畝歷有年所非

自今日始也碑文卯冊鑿七可憑和尚朗明理宜遵

守舊例澆灌乃圖利己之私率領姬明志姬天章蘇

彥貴竟爾創開青溝以截下流之水不法甚矣猶不

痛加改悔復敢嘵嘵瀆告宜重懲究姑從寬免仰該

捕官關會河內捕官押令姬明志等即將所挑之溝

作速填塞立石照舊例使水取具朗明等不得再行

私開甘結報查其張臨吾張薄煙情願包補從寬免

責餘犯審係無辜俱照詳釋逐繳

康熙五十一年歲次壬辰季冬吉日邑庠生李肇基
撰 崔日信書 河內河衙范典史趙孟縣典史俞
公直申嵩生趙光漢李肇基崔爾珣 堰長王訓
小甲邢可仁崔林池段洪才張大政 秋頭張臨吾
石匠李進才率男文魁仝立

崔巖書邑侯李公諱麟源公斷孟邑餘濟河水利及

濟源縣孟民葦地碑

在穀里鎮北二里 關帝廟內

嘗聞名伯恩深百世垂甘棠之慕國儲遺愛與人興
誰嗣之歌仁澤所及疇不慕德揚休惠酬報於萬一
哉我賢侯蒞孟以來黃流為災河務賢勞築堤代為
賠糧場地申請除豁謹約以施禮教息訟端以安

民生錢糧不用刑驅漕米聽民自便惠心善政難以
枚舉至如孟邑水利最關緊要查濟源有永利河一
道枝分為二其下流可灌孟田天啟七年公直李長
國申得民趙以龍崔大裕告准上憲按其北枝順治
三年邑人請之本縣邑侯傅諱爾杖接引南枝至楊
鄉紳諱循如墳後合而為一由河內縣大位小位王
亮葛萬等村至孟縣趙改曲村洪道姚村羅庄吳家
寨趙庄藥師村等處東流入濟河孟邑北面一帶始
獲水田之利但南枝河一帶地勢頗下議砌架水橋
一座蓄水閘二座不時啟閉以資蓄洩向查濟源土
人商民向承管其事橋頭又置有葦地六畝一分零

撥與四畝八分以作口食之費及商民向已故其孫
商應中將葦地盜當得價肥已並不疏濬河道修理
橋閘以致河淤閘壞下流壅塞堰長李憲章具告本
府神太老爺案下蒙我賢侯審理詳明本府蒙批令
商應中照舊承管河淤閘壞則聽孟民別招人戶等
語商應中竟違府斷案仍然盜當葦地損壞橋閘堰
長李憲章又具控本縣縣主蒙行關濟邑催修商應
中賄買私充堰長孟民主取在濟邑偽稟情願認修
朦朧回關公直李肇基等又呈本縣蒙准審明詳府
批准照案令孟民別招人戶仍移明濟邑發落原地
歸還孟民聽孟民別招人戶總理其私充堰長朦朧

之王取重懲三十再查官庄鎮西舊日河身塌壞有
七契買到商自德等地一畝四分其糧在商民向名
下除河身所佔餘地一畝零令商民向耕種四公直
又借付銀一兩令其每年生利三錢以作完納錢糧
之費今既經府縣斷明應將此糧取於水東里六甲
公直崔趙李名下追還原借銀一兩永斷葛藤從此
招人看守修築疏濬水勢暢流萬姓蒙福徵我賢侯
之力不及此允矣三城之慈父自可與名伯甘棠
儒遺愛同登賢書並傳不朽也是爲記

雍正十年歲次壬子穀旦儒學增廣生員崔巖書

通濟河康熙三十三年邑令劉凡詳請郡守會同河溫

孟縣志卷三 水利
二縣勘驗開挑白河內縣界內崇義鎮南一里接古濟河卽猪龍河起入孟東南行灌北董岑村子昌武橋等村至武橋仍入猪龍河長十七里灌田百頃名曰通濟河至康熙四十四年孟民重請郡守鮑公挑濬易名鮑公渠至乾隆二十三年北董岑村子昌三村人民稟官重濬

張碩儒立孟縣邑侯劉公新開崇義鎮水利渠記石

在縣東北二十里

岑村九鄰界內

公諱凡號卓崖江南鳳陽府潁州人丙辰科進士蓋聞衮衣章甫曾入與尼父之歌子弟田疇鄭國播公孫之頌惟循良沛其利澤斯即事誌之碑銘惟我劉

民楊四玉同族人楊會至孟邑願將地二畝一分七釐立契出賣爲孟民開渠通水之路當蒙侯卽給價銀六兩當堂收領去後村民正欲開濬間乃蒙

皇

恩撥江南漕米二十萬石賑濟秦中命我侯至河南督

運而楊四玉等聽刁唆惑心生犯悔又復中阻我侯聞之卽傳楊四玉等至偃師縣之孫家灣督漕公館中再給官銀四兩前後共得銀十兩令寫找絕文契再詳本府蒙賢郡公卽傳溫縣張侯及河內李侯暨我劉侯同往渠口設祭令村民各出其力挑濬而渠始開焉不兩月而渠溝成矣從此如遇雲漢之年藉此水以灌溉而農與粟可以並生樂其樂而利其利

後之用此水者豈可不思其源與儒等誠恐日久淤塞湮沒復起爭競之端况我賢侯已膺

內名指日□□無從借寇敢請勒石以紀其事嗚呼名伯恩深百世垂甘棠之愛羊公德厚千秋留峴首之碑鐫茲石也宜永久常存勿替矣是爲記

康熙三十三年歲次甲戌巳巳月初一日張燦年書
丹 典史賀天祐主簿王畿本村鄉約倪法生輩應厚閭鳳儀閭夢麟郝應聘仝振民王士俊宋雲高紳暨四村士民總甲張太康張其緒張裕慧張其貢張忠李生張良富總催王業成河衛原羞党運李明經李祥趙文石匠黃廷仕同立

侯潁川世胄馮翊名流早占巍科文譽領鵠袍之袖分符孟邑清風飄組綬之香甫三月而政報未期年而化行寓撫字於催科不憚陽城殿考施禮教於律令無煩卓魯褒書五載以來惠愛之及於閭閻者其何能殫述也惟是崇義鎮南開渠始末謹爲我侯記之自侯蒞任於茲頻年災旱復患飛蝗滿地蒿萊傷心慘目侯乃出倉穀以賑饑又常單騎出郊諮恤長間疾苦呼父老而告之曰博施濟衆古帝所難如值天災流行必得地利方爲可久將如何可使爾民播種得宜無憂災旱乎隨有生員張彥儒公直孫進邦張自卓張毓秀張懷德張碩儒倪國獎倪泗生閻濟

廣籍可廣等以開渠備荒等事具呈因稱河孟兩縣接壤古有濟河一道發源於玉屋山又有瀦龍小河湧自龍潭塔二水交入一處晝夜不舍兼以利河餘水俱投其內旱則無益澇則有害上流使水有濟田禾其下流則河低岸高不獲其利浩瀚奔騰直底黃河嗟此餘水若得開渠疏引儘可為孟民備荒但倘隔河內縣崇義鎮地一畛難以逕通伏候主裁等因呈縣不數日間我侯因公事赴郡道過崇義鎮即留心相度地勢於是具詳本府蒙賢郡守劉公移行河廳余勘驗又親詣崇義鎮會同河孟兩邑侯周國審視召崇義鎮之居民面諭議買其地以開渠有崇義

張曰翰撰鮑公重濬通濟河碑

在河內縣崇義鎮南一里官道西邊

古循良守令功德在一時者至今載之青史布之歌

謠蓋以修廢舉墜能利濟於斯民也况功德可垂百

世賢愚俱蒙乃澤其懽忻祝誦為何如乎昔潁州劉

侯之來令孟也適當旱魃肆虐之候因於崇義鎮南

河孟温三縣接壤之處瀦龍古河詳請郡憲率三縣

會踏河口劉侯出俸金十兩買崇義鎮民楊四玉地

貳畝壹分柒釐開渠即日起工為兩縣北董段村陳

村子香武橋村居民開通濟河一道灌田而旱始亦

為災曰功成物曰往往如是有利之者自不免如之

者所以自劉侯遷口而此河遂不得行今已十年矣

於戲三□不雨幾於無禾孟邑公直張碩儒倪泗生
張玉式張毓秀張懷德温邑公直仝瑄等各請於邑
侯皆曰昔旣妬汝而使成者壞今豈肯憐汝而使廢
者興乎是非得郡憲大老爺之命不可况大老爺愛
民如子嘗屏騶從單騎訪利害凡有害於民者無不
除之豈有利於民者而不興乎爾等共爲上請無不
得者於是孟温二邑倪泗生仝瑄等遂請於大老爺
諭曰水者荒年之穀也六邑皆吾赤子何獨厚於河
內而薄於孟温况此水有利於孟温無損於河內何
憚而不爲爾等急濬之雖有妬者無慮也遂出令二
邑是時孟邑張侯温邑楊侯各督公直總甲小甲盡

力挑濬且不時單騎親詣踏驗而張侯更仰體郡憲
上意怜念小民出俸金二十兩以資其不足今□四
月初旬蒙憲駕親詣河口□□閱視量地勢之淺深
定閘板之高下多方指示遂捐貲五兩不數日而工
卽告竣焉是舉也非□我郡憲大老爺視天下猶一
家愛小民如赤子曷能□頽廢十數年萬世之大利
而重興於一旦哉昔西門豹守鄴引河內灌田民歌
不絕至今傳爲偉績若今日之事豈不並傳千古耶
計此河濬於康熙四十三年十月成於康熙四十四
年四月統其事者郡憲也相度經營者孟温邑侯也
鳩工者孟邑高尉徐尉也因顏其額曰鮑公渠爰勒

石以表於不朽云

康熙四十四年歲次乙酉臯月吉旦邑庠虞膳生員
張□翰撰 生員程義勇書丹 總公直張碩儒武
橋公直閭閻其翹籍可廣閭天壽陳村公直張碩
德張懷德子香公直倪泗生北董公直張玉式張毓
秀段村公直仝瑄仝立 黃敏鐫字

按是河舊蹟今尚依然至當時碑記則初無知者後
因之郡道過岑村畧中憩息九郎廟內始見有康熙
三十三年邑民所立邑侯劉公新開崇義鎮水利渠
記石嵌置壁間亟錄入志後復聞河內境內崇義鎮
南一里有孟邑修渠碑倒倚渠中因屬穀且鎮居住

力挑濬且不時單騎親詣踏驗而張侯更仰體郡
上意恰念小民出俸金二十兩以資其不足今□
月初旬蒙憲駕親詣河口□□閱視量地勢之淺深
定開板之高下多方指示遂捐貲五兩不數日而工
卽告竣焉是舉也非□我郡憲大老爺視天下猶一
家愛小民如赤子曷能□頽廢十數年萬世之大利
而重興於一旦哉昔西門豹守鄴引河內灌田民歌
不絕至今傳爲偉績若今日之事豈不並傳千古耶
計此河濬於康熙四十三年十月成於康熙四十四
年四月統其事者郡憲也相度經營者孟溫邑侯也
鳩工者孟邑高尉徐尉也因顏其額曰鮑公渠爰勒

石以表於不朽云

康熙四十四年歲次乙酉臯月吉日邑庠廩膳生員張□翰撰 生員程義勇書丹 總公直張碩儒武橋公直閭閻其翹籍可廣閭天壽陳村公直張碩德張懷德子香公直倪泗生北董公直張玉式張毓秀段村公直仝瑄仝立 黃敏鑄字

按是河舊蹟今尚依然至當時碑記則初無知者後因之郡道過岑村暑中憩息九郎廟內始見有康熙三十三年邑民所立邑侯劉公新開崇義鎮水利渠記石嵌置壁間亟錄入志後復聞河內境內崇義鎮南一里有孟邑修渠碑倒倚渠中因屬穀且鎮居住庠生楊懋覓衆夫就淤泥中力挽出之始知爲鮑公渠碑康熙四十四年所立鮑公渠者卽重濟通濟河後所易之名與前碑後先相應原委並悉復亟錄入志至前碑末後無撰人姓名而文內有儒等勒石云云今得後碑內有總公直張碩儒之名因知前碑所稱儒等者爲張碩儒無疑矣

附

北官道溝自北門起至河內縣交界止長二十五里寬四尺深五尺雍正五年開
南官道溝自南門起至黃河止長十五里寬五尺深四尺雍正五年開

按以上二條見省志水利門及沈志稿

附明喬允升撰覃懷郡伯石公諱維嶽號五峯直隸

灤州人庚戌科進士治孟除荒糧與水利碑

孟爲古河陽厥地南控黃河西枕金山半爲沙磧所

據所產之毛不足以餬口民多以績紡濟之而賦視

它邑獨重每畝輸銀壹錢有奇則正額已難支矣兼

以歲事大工加派地畝閭閻十室盡空奚啻丸焉况

拋荒糧三千餘金尤是無藝之征自萬曆戊子來相

沿至今民之敲劬濯髓者幾四十載無人爲請命解

至藩司徒抵別郡拖欠公下車初首詢六屬利病悉

其狀憮狀曰民方室如懸磬而猶苦額外之征是枵

腹茹蘖也我不爲除之撫循謂何因是嘔心屬文列

苦狀如圖繪具請上臺而上嘉其實意惠民檄行郡

縣有云剗有盡之肉以醫人瘡灼疴羸之身以分人

痛其將能乎全行豁免河濟二邑引沁灌田流至孟

界放入猪龍小河餘波不以及孟昔年告爭不得公

於兩邑分派之處另濬一渠廣一丈五尺延袤四十

餘里灌孟田八百餘頃垂爲永利昔倪寬緩賦終以

考最公不直緩也而且蠲趙清獻開河民先驚而後

樂成公於民不聞驚也而遂樂其視二君子何如耶

孟人士肖像祝於邑中乞余言勒石以誌不朽余謂

此兩盛事關利害最大用以傳示萬世真足方名之

甘棠比羊之峴山云若夫古心朴貌美意嘉績更僕未易悉數國史郡乘自有紀之詳者矣

天啟七年歲次丁卯孟秋吉旦

按此碑今在縣署南石公祠內碑中稱石公於河濟兩邑分派之處另濬一渠延袤四十餘里灌孟田八百餘頃者不著係濬某河然想其時餘濟河尚存通濟河未開似所濬即係餘濟河者然然究當闕疑姑附存其文以俟後人考定耳

河防

隄工

孟縣小金隄一道舊在城西南七里曹家坡南原長

千三百六十丈底寬六丈頂寬二丈五尺高八尺向係民築民修康熙二十八年曾修一次至乾隆元年僅存三百三十丈是年

奏圖

欽工乾隆十九年復

奏准停修至乾隆二十一年八月大雨連綿黃流異漲水勢北趨復將堤南頭冲塌僅存五丈經知縣江湄捐運石塊督率民夫議詳修築嗣于乾隆二十六年復因黃水漲發陸續坍塌没于乾隆二十八年詳報在案

冊所載

右據縣署交代

按小金隄在昔莫知所始茲得元至正十年金隄西

叛建顯聖王廟碑因知是隄起自元前又按舊址由曹家坡自北而南其北自現存之斜隄頭起寬六丈往南量至八百八十餘丈尚有舊形可據其南則係河灘約五六百丈及河無復故址可以丈量其舊日地形見卷二所繪孟縣舊隄工圖及所繪澤地區圖內東曹坡等七鄉澤地區圖云

舊護城隄一道舊在城南可七里許雍正五年所築上接小金隄下至海子頭村長可十里後陸續被水冲塌今但存隄尾一段接今護城隄尾東首長二十八丈五尺西首長五十八丈五尺共計橫長八十七丈頂寬三丈六尺底寬六丈二三尺不等高三尺至四五尺不等

見所繪今河隄圖其原長形勢見舊河隄圖

右據乾隆五十四年

管河主簿申詳圖說稿所載

今護城隄一道在城南五里堡堡房即在隄上原長一

千五百八十八丈頂寬五丈底寬九丈高八尺乾隆二十

八年民築現長一千五百二十丈頂寬四丈至三丈七

八尺不等底寬八丈至六丈餘尺不等高四五尺至六

七尺不等尾接舊護城堤所僅存之末段并見今河隄

圖說

右并據乾隆五十四年管河主簿申詳圖說稿所載

斜隄一道原長二百三十丈頂寬四丈底寬十丈高一

丈乾隆二十四年民築二十八年坍塌現長一百一十

七丈頂寬四丈底寬八丈二三尺高五尺餘寸至七尺

不等并見今河隄圖說右并據乾隆五十四年管河主簿申詳圖說稿所載

又按縣署乾隆元年以前渾地圖內載當時河隄形勢甚實其時尚有東西古陽隄皆莫知所始又有二層直隄亦莫知何年所築又有挑水堤二處因改繪為舊河隄圖俾後人得悉在昔情形大略後諸隄至乾隆二十八年被水盡行冲塌惟舊護城隄末段僅存故有今護城隄之築至近年黃河大溜南徙盡復老河身故道孟民幸得安息至乾隆五十四年河復異漲漫入今護城隄直通城下隨即消落乾隆五十五年知縣仇汝瑚捐督重修漫口現在完固云

河員

孟縣管河主簿一員向由部選雍正八年河使稽

奏請揀員題補駐劄孟縣兼理温縣河務

河夫

河工埽夫二十名原額工食銀二百四十兩舊係小金隄埽夫共四十名乾隆二十年奉 河憲飭撥二十名赴陽武汛其餘二十名仍留本汛以供栽培楊柳修築隄工之用咨准部發遵照辦理

楊柳樹株

一孟汛各隄捐栽楊三千三百二十四株內有大楊三百八十二株中楊一千三百二十九株小楊一千六百一十三株

孟汛大小柳園二處在城西南三十里全義灘大小
相連並各隄內有歷年官民捐栽補栽柳四萬三千株
埽夫額栽補栽柳四萬三千四百株

右據乾隆五十三年十月管河主簿

申詳河廳
清冊精載入

孟縣小金隄勁 帑修理抄案

乾隆元年十二月前任主簿紀黃中奉 署黃沁分

府吳為欽奉

上諭事本年十二月十五日蒙 河北道票本年十二月

初五日蒙 總河督院白牌開乾隆元年十一月十

九日准 工部咨開前事緣由到道蒙此除原牌抄

粘外擬合就行為此仰廳官吏查照蒙牌事理文到

該工看守隄柳加廂埽工以及填墊水溝浪窩搜捕
獾洞鼠穴等項向屬沿隄居民遞換承管今既遵

恩旨委員承修則一切事宜自不宜仍令民間承管似應

請照沁河添設長夫之例設立椿埽夫四十名住工
修防卽令孟縣主簿督率管轄其支領工食銀兩亦

照沁河長夫之例每名每年給工食銀十二兩在于
豫省司庫存公銀內按季給發如遇閏之年加增一

月工食如遇小建亦按名扣除統於該年奏銷冊內
造報該工既有埽工簽椿加廂必須諳練汛弁修做

武築汛雖有千總一員相隔遙遠請添設協防把總
一員住宿該工以專責成至該汛水報並一切公文

向係舖司投遞嗣後如遇緊急公文應專役飛送不得仍由舖司傳遞除咨戶部外相應咨部示覆等因前來查先據該督疏稱豫省南北兩岸歲搶各工應用料物每年請撥司庫銀五萬兩今歲小金隄民修工程欽奉

恩旨令委員承修需用銀兩統於歲搶修項下動支報銷欽遵在案所有乾隆二年歲搶修辦料物請撥司庫銀五萬兩之外再撥銀四千兩發辦料物以爲下年之用等因具題經本部覆准在案現在行文知照今該督咨內又稱每年請撥銀二千兩內存夫工銀五百兩其一千五百兩着落孟縣就近構辦椿藤稻草

堆貯該工之處是否卽係題撥銀四千兩之內動用抑或於四千兩之外另請撥銀二千兩並未詳細分晰難以查核未便遽應查明報部其應修工程該督責令黃河廳同印汛各官實力修防加謹保護將修過工段高寬丈尺及用過料物夫工銀兩照例入於該年搶修冊內具題查核再查前項工程旣遵

恩旨動帑修理所有一切事宜應照沁河長夫之例准其設立椿埽夫四十名住工修防卽令孟縣主簿督率管轄至每年應給工食在於司庫存公項下動支其遇加增以及應扣小建銀兩該督入於該年奏銷冊內造報戶部查核至添設協辦把總一員住宿該工

以專責成其該汎水報及一切公文應專役飛送不得仍由舖司傳遞之處相行該督咨明兵部定議仍先知照兵部併戶部可也爲此合咨前去查照施行等因到本督院准此除將該道所議每年請撥銀二千兩卽係在題撥四千兩之內動用緣由咨覆工部並將添設把總各欸咨明兵部外擬合就行爲此仰道官吏照依咨牌內事理卽便遵照責令黃河廳同印汎各官實力修防加謹保護將修過工段用過料物夫工銀兩照例入於該年搶修冊內造報其應添設椿埽夫四十名卽令該縣印官招募交與該主簿管轄每年應給工食在於司庫存公項下動支其遇小建銀兩入於該年奏銷冊內造報仍先將花名清冊着役日期報查均毋遲違

前任孟縣主簿鄭嵩望准縣移議築斜堤縣府抄看乾隆二十年十一月二十八日准本縣江湄爲道批飭議事本年十一月二十七日蒙本府批據敝縣詳報議築斜堤鑲埽防護小金隄詳由蒙批查從前小金隄之西有土埕月隄填臺尚不足以抵禦水勢以致小金隄頭冲刷僅存五丈今議僅於土埕外及小金隄外西北隄身各加鑲埽工不於隄內東曹家坡至護城隄建築斜隄一道以資保護縣城恐明春溜急工險之際仍屬可虞至小金隄之上游應不急

搶水堤逼其河溜順直不致泛溢及石裹土埝頭並
小金隄頭應否先行掛柳受淤以免汕刷之患均應
確勘妥議具詳今詳內並未議及殊屬踈漏再圖內
河身大溜趨走情形亦不備繪難以查閱不便率轉
仰卽遵照指駁之處會同河員相度形勢悉心勘議
另繪妥圖詳請核轉勿再踈漏遲延有干未便繳圖
帖簽併發等因到原貴七
貴衙請煩查照文內並奉批事理希卽將小金隄內
東曹家坡至護城隄應否建築斜隄一道計高寬長
各若干需用土方若干其小金隄之上游應否建築
水堤逼其河溜順直應於何處起止併石裹土埝及

其小金堤頭應否先行掛柳受淤以免汕刷之患星
卽分別勘明確估妥議賜覆仍祈將河身大溜趨走
情形繪具河圖一併牒送過縣以憑轉詳此係貴衙
專司現奉 憲批牒會幸勿仍前岐視足仍舟誼望
速須至牒者計粘抄原看一紙內開查議得卑縣小
金隄一道原長一千二百丈向係民築民修因黃水
汕刷日被冲塌雍正七年民間復修埽工嗣因大溜
北趨至乾隆元年詳准動帑修築其時已僅存三百
餘丈迨至乾隆十九年河勢遷移經卑縣主簿蕭堅
議請緩修旋卽奉文停修在案本年八月內黃流異
漲大溜改移將該隄冲塌三十四丈稟奉員查驗批

飭應修若干併令百姓修築如何派辦不致擾累妥
議詳報等因卑職查該隄工程歷係霜降後最險而
被塌之時將屆霜降大溜益冲以致護城隄外之小
金隄頭僅存五丈其上游之土埝亦被冲激卑縣士
民因保田廬爭先出夫運料包裹隄頭現在小金隄
頭埝工計長十六丈五尺已于本年十一月十八日
完工卑職因土埝更在頂冲捐出養廉僱覓石匠採
取大石堆貯土埝頭以防汕刷各士民均情願出車
運石赴工加帮現在長三丈二尺底濶四丈七尺面
寬二丈土埝亦保無虞至應補若干丈併派辦之處
據各士民等以該隄頭勢處頂冲難以修復呈請於

隄根貼鑲埝工併添築斜隄防護一切夫料照乾隆
元年以前民修舊規派辦等情卑職查黃河水勢今
昔宜異小金隄頭橫遏河溜現在埝工以南水深溜
急若加修復不獨難以施工且勢處頂冲上坐下刷
終難鞏固查防護之法以順水性卑職往來工次細
察形勢應請于小金隄根起貼鑲埝工計長九十七
丈五尺高七尺寬一丈估需料六十一萬四千二百
五十斤仰于鑲埝盡處接築斜隄一道與土埝頭接
連以資防護今估築土隄計長三十五丈頂寬二丈
五尺底寬六丈高八尺估需土方一千一百九十方
土隄外亦鑲埝三十五丈寬一丈高七尺估需料二

十二萬五百斤通共需料八十三萬四千七百五十斤土方一千一百九十方所需料物夫役悉照乾隆元年以前民築小金隄成規按十五都地畝均勻派辦夫役到工力作按五日輪流更替料概等物令各都自議一人在工收貯毋庸官吏經手單縣主簿係專司河務之員應令在工督率存留之椿埽夫二十名幫同捆埽取土應用夫料卑職親加確核按地均出令各戶自行交工仍嚴查胥役不許混派偏枯輿論僉云衆擊易舉閭閻並無攪累茲時值隆冬地土水凍應請于來歲二月初旬興工緣奉飭議是否允協理合繪圖貼說備文詳送伏候核轉

乾隆二十一年正月十三日准本縣江湄爲遵批飭議事乾隆二十年十二月二十三日蒙本府票本年十二月十九日蒙河北道永批據本府申據該縣詳議小金隄旁接築斜隄一案詳由蒙批仰候轉請河兩院批示飭遵繳圖存送等因到縣蒙此擬合抄看移會爲此合牒貴衙請煩查照施行須至牒者計粘抄府看一紙內開查議得孟縣小金隄工程前因河勢南移業蒙轉請停修在案迨本年八月內黃水異漲大溜改移北趨將小金隄南頭冲塌三十四丈據該縣稟報卑府親詣勘稟復移委懷糧廳勘詳節蒙批飭查議並令將舊隄如何修復酌用民力之處

一併妥議詳報等因遵卽轉飭該縣確勘議詳去後
催據該縣率同士民集議詳覆到府卑府以東曹坡
至護城隄尚應建築斜隄保護縣城其小金隄之上
游應否建搶水堤及石裹土埝頭並小金隄頭應否
掛柳受淤均未議及復又駁飭去後茲據該縣會同
主簿傳集士民復加勘驗詳覆前來卑府復查該隄
工程因本年八月內黃水異漲大溜北趨將小金隄
南頭冲塌僅存五丈其上游之土埝亦被冲激該縣士
民因保田廬出夫運料包裹隄頭現在小金隄頭埽
工計長十六丈五尺于本年十一月十八日完工該
縣因土埝更在頂冲捐出養廉採取大石堆貯土埝

頭以防汕刷各士民均情愿出車運石赴工加帮現
在長四丈五尺底寬七丈八尺面寬三丈土埝已保
無虞毋庸再爲置議其防護之法應如該縣所請在
于小金隄根起貼廂埽工計長九十七丈五尺高七
尺寬一丈估需料六十一萬四千二百五十斤再于
廂埽盡處接築斜堤一道計長三十五丈頂寬二丈
五尺底寬六丈高八尺估需土一千一百九十方與
土埝頭接連以資防護土隄外亦廂埽三十五丈寬
一丈高七尺估需料二十二萬五百斤統共估需料
八十三萬四千七百五十斤估需土一千一百九十
方所需物料夫役悉照乾隆元年以前民築小金隄

成規按十五都地畝均勻派辦夫役到工力作按五日輪流更替料概等物令各都公議一人在工守貯毋許官吏經手該縣主簿係專司河務之員應令在工督率存留之樁埽夫二十名幫同捆埽取土應用夫料嚴飭該縣親自確核按地均出令各戶自行交工卑府仍不時親詣查察倘該縣辦理不善混派偏枯以及差役滋擾立即詳參再現在隆冬地凍應請定于明歲二月開工勒限完竣至于堤內東曹家坡起至護城隄止計長五百餘丈建築斜隄原係保護城池但工程浩大雨工並舉恐民力亦有未逮其應如何修築俟來年水勢如何再為商酌防護緣奉飭議

事理是否允協擬合將送到河圖一併詳送伏候

憲臺鑒核轉詳右此議內築斜隄五百餘丈一件茲據乾隆五十四年管河主簿戴廷枚

原擬稟稿節略云嗣後果否修築之處無卷可查云云

附禹貢錐指一則

自古論河患者皆云孟津而下地平土疏遷徙不常失禹故道然吾觀孟津以上亦不能無害自杜預建浮梁之後更歷百餘年不聞為水所毀至唐貞觀十一年河溢壞中渾城始見於史逮宋而其患彌甚史不絕書嘉祐八年大水馮襄中渾之城遂廢推原其故蓋隋唐以來底柱闕流之害倍於曩時延及孟津河身亦淺水暴至不能容故也宋世河北淤澱水不

孟縣志卷三
通行今兩岸灘渚更多非止一中渾矣其所以不至
遠汜濫者徒以夾河之山脉未盡地高土堅耳然上
流之怒不泄則害必鍾於下流漢明帝詔曰左隄彊
則右隄傷左右皆彊則下方傷孟津之隄所謂左右
皆彊則下方傷者也至滎陽則左隄彊而右隄傷矣
治河者欲使洛汭以東永無溢決其可置孟津底柱
於度外乎

橋梁

縣東門石橋明崇禎間知縣李希揆建

國朝康熙四十八年邑紳薛儁聲重修

南門石橋

西門石橋

北門石橋明萬厯間邑人楊鳴寶建

國朝乾隆十七年邑人楊煥重修

東馬橋在城東三里渙水上明永樂十三年郭思毅宏
治間民趙寬萬厯二十九年知縣續寀三十八年知縣
方升各重修

國朝順治十一年水大壞邑紳同公直薛抱瑾田三讓李
國楨李懋勤李好問李好讀重修康熙二十二年官貢
生薛芊生同李闇修等補修乾隆二十七年知縣江湄
張德履相繼重修有邑人公撰碑記
邑人撰重建馬橋碑記

孟縣東門外三里許舊有石橋俗以馬橋呼之乾隆辛巳壞於秋漲行旅往來脩嘗艱苦邑侯江公開工未幾忽北上赴

關引見適楚環張公莅任之初悚然動念曰修徒枉成輿梁爲政之大體也旋飭捕廉王公專董其事幸王公勤而且慎倡捐勸捐諮謀籌畫心力俱瘁同時興造者有穀旦鎮之大橋舊僅十六孔今復增之三十孔鳩工庀材營繕堅卓現今兩橋齊告成功凡遠近之往來者莫不懽欣鼓舞以爲今而後可永免行旅望洋之歎矣是則濟人利物之實惠誠有裨於

國家之政理不徒爲福田利益也爰記其事壽諸貞珉

以示來茲以垂不朽云時乾隆二十七年月日記

沈河橋在城東二十里沈河上康熙五十八年鄉民黃

一統王好學等重修有邑人薛儁聲撰碑

薛儁聲撰重修沈河鎮石橋碑

邑東偏距城二十里許有巨鎮曰沈河沈水經其左南入於河鎮以茲得名其地爲溫孟兩縣界而濟流橫亘其間蓋東西往來之孔道舊有石梁以濟行者厥初始不可攷迄今久歷年所漸至傾圯且向來橋孔低濇每值夏秋水勢暴漲壅激潰決堤岸路人望洋躑躅不前遠近咸苦弗便會本鎮居民黃一統王好學目覩病涉慨然倡首謀於里衆共相募化以勸

厥事迺計費鳩工石之小者易以鉅址之卑者築使
高殫竭心力肇始於康熙五十四年三月初旬落成
於康熙五十八年二月十五日於是向之傾歎頽毀
者復就完固而東西往來始免淖濡之苦莫不嘖嘖
稱羨以爲橋之圯而復新也功之在人豈淺鮮哉余
竊嘗稽禹貢導沅水東流爲濟是沅由王屋蜿蜒而
來津渡不一而最衝要者在北則河內崇義鎮南橋
實皇華驛路達官使者之所涉歷每稍遇浸飢有司
不能坐視故其經理修整恆易進而東南次衝莫若
茲橋而朝夕蹀躞不過商賈行旅負戴荷擔輩其卽
於圯也有力者多視爲不急之務而一統好學等以

一二鄉里善人悚然動念倡始修葺洵難乎其爲力
矣以難乎力者而竟底於成可不謂有志者歟然則
一統好學首事之力與里衆慕義之勇均不可沒也
爰泚筆記之而繫以辭曰

太乙靈源四瀆備位神禹所導過黃表異逶迤東西
襟帶花城維邑重鎮因之以名熙熙攘攘利涉定駉
石梁自古積久坎珂水激石崩行人趾蹶服賈牽車
心神飛越善信惻然有倡必先爰謀諸衆同志益堅
擴基輦石工倍於前經營盡瘁不日告竣安流卧波
長虹仍舊毗旌騰歡車騎馳驟蛟螭斂迹馮夷作衛
永奠朝宗百千萬歲

按碑後又載王好學外蓋茶房三間施地十畝爲每
年施茶之資其地坐落轆轤把東西畝東至交界西
至道南至楊樂然北至牛家云

孟港橋在城東南五里溟水上康熙四十四年邑人鄭
名世創建至四十七年功成薛儁聲撰記乾隆四十六
年邑人李文章等重修有公撰重修碑記

薛儁聲撰擬建孟港石橋碑記

溟水從王屋白澗發源逶迤蜿蜒而來襟帶吾孟其
爲要衝渡有三一在邑北穀且鎮爲南北驛路石梁
建自前代於

國朝順治迄康熙初年屢經潰決余兩伯祖再修之一
在東郊實邑東入城孔道亦舊有石梁亦余伯祖首
爲之倡一在孟東南孟港海子頭村界蓋由武陟由
溫渡黃河捷徑以故商旅絡繹問津必于斯地特以
非皇華達官使者之所歷涉有力者恒置弗問每當
冬月居民架木疊土其上以渡一閱夏秋水溢土木
飄逐怒濤望洋阻絕行者躑躅牽車牛者停驂轡以
候率以爲常會歲在乙酉東十里村善人鄭名世過
之惻然有動于中思易木以石圖永濟因謀始事于
余余自惟德望非先人比且創始視修葺其難易又
較然不侔恐罔以鼓舞維梓旣而思之人之好善誰
不如我矧佑順助信自古其訓乃刳羊置酒東臯別

聖聚鄉邑夙號善信者與謀衆志僉同咸樂共勦厥
事于是相度基址具糗糧計工程因募椿木不足採
伐余東莊林樹殆盡取石于濱河西山及楊村之花
石嵯水則資舟陸則資車凡厥傭役匠作攻木攻金
攻石悉踴躍從事自乙酉秋七月厯丁亥功幾就忽
值戊子奇荒困于追呼而向募金二千有奇垂罄
末不能穿魯縞最後賴于矜張篤生武許謨義民爲
希俊各輸數十金工始告竣于己丑之十月前後閱
五載乃成波臥長虹嶽騰遠近徃來農賈牽車牛乘
騎徒步輦經其上若履坦途噴噴羨曰休哉斯橋也
與穀旦東郭兩橋宛如鼎峙利濟之在人永矣爰是

諸同人曰允宜爲記余竊攷穀旦東門橋之增修余
伯祖暨世父實紀以文傳邑乘余雖弁鄙乏載筆才
而凡我同志經營之苦心擬始之瘁則不可沒久擬
搽觚誌其事適庚寅歲北上京師弗克搦管迄今丙
申之冬始書之以勒貞珉是役也首事募化者鄭名
世名世勇于爲善邑名勝祠宇者廢多出其力而錢
穀出納鉤稽則衛璟李瑜二人亦皆樂善饒心計衛
海子頭村望族李祖居孟港前茲木橋每歲輒糾里
衆爲之遵其先世訓也至水陸輓木石並一切輸費
糧工料姓氏不及悉書另鐫豐碑銘茲來許云
邑人公撰重修孟港石橋碑

吾鄉南鄰海子頭中界淚水雖非巨津比而往來過客羣苦病涉焉前康熙四十四年有李村鄭君諱名世字岐山者起創石橋十三孔數十年來僉艷稱鄭君之德於不衰洎乾隆辛巳秋大雨如注淚水北徙橋被淤沒二十年來兩畔居人有志重修者未易屈指數率皆畏首畏尾卒無一人敢起而任之者迨乙亥秋大雨又作水浮橋面時屆隆冬吾鄉起造獨木板橋暫濟行人而陟其上者一步一愁咸如履春冰狀因而墮水幾至凍斃者不知凡幾里人羣嘆曰鄭善人果不再出耶忽有南口村李君諱文章字煥然者目觸心傷於庚子正敦請兩村鄉地及諸善長並外村鄉地募財重修甫興工先同兩村諸善長公詳出報南撤乾橋四孔中重修九孔北創修四孔工成緣水盡北歸又依公議北頭再創修兩孔五月興工十月告竣過茲橋者皆曰非鄭君不能創修於前非李君不能重修於後兩善人蓋後先輝映並傳千古矣吾鄉因同體君子不没人善之意敬勒諸石以爲後之有志爲善者勸

乾溝橋在城西二十里乾溝上明嘉靖四十五年邑人姚現茹平等建隆慶三年作記碑石剝落已甚

按舊志稱爲明萬曆年間建者誤後此重修亦無可考文水橋在城西二十七里店上村順澗水上乾隆三十

三年邑人張大儒張懷德楊成章錢道存錢朝相于大
文姚西侯等創建有席質撰碑

席質撰創建文水橋碑記

蓋聞允毅石梁擬金堤之障水趙州飛甍方長魄之
卧波甚盛事也是澗也距孟邑二十里爲秦晉往來
衝衢行人輻輳絡繹不絕自乾隆二十六年澗水漲
激竟成重壑听口急下勢難猝轉微獨暑雨暴發墜
違咫尺卽窮陰返寒亦動遭轆軻非橋之設窮途其
奚濟焉時有磐石張公目覩心惻已傾囊買石爲小
橋之計志未遂而壽終其子大儒欲繼父志而慮規
模狹小之是隳也爰謀張公懷德楊公成章錢公道

存堂姪朝相並僧人湛雷僉曰大文于公素聞樂善
好施可與共成厥美因筮期延請于公慨然許諾其
捐貲獨多經理倍勤治公事一如私事焉又恐才智
不逮復同請西侯姚公總董其事度地量工與凡木
石費用俱經心裁尋乃分人善任或効募化或管食
用或理土木石工或司財物出入一時櫛風沐雨戮
力同心罔不共勦厥事經始於乾隆三十年告竣於
三十三年約費三千餘金壬辰歲余授徒衡雍囑爲
文以記余觀夫乘流迺透水遊碧玉環中截險橫包
人行蒼龍背上跋涉何艱利濟靡窮以作善降祥之
理推之知諸君子克昌厥後不獨名借石橋俱承德

共澗水長流矣至水以文名書傳無可考或曰水勢所旋轉文運隨之故名焉

猴村橋在城西北二十里青龍大澗上明正德間義官耿墳建

國朝順治年間重修

禹寺橋在城西北二十里青龍大澗上明萬厯間潞安府通判劉思獻建

國朝順治十七年邑人王宗輦募修

穀旦橋在縣北十八里穀旦鎮北淇水上明永樂十年知縣靳禮建正德八年重修郡守趙鐸撰碑載舊志藝文萬厯二十六年知縣杜應楚重修

國朝順治十一年橋壞邑紳重修康熙十三年橋又壞邑紳博白令薛所具復修乾隆二十七年知縣江湄張德履相繼重修有邑人公撰碑乾隆三十七年知縣魯鴻重修有魯鴻自撰碑

按前明正德八年郡守趙鐸撰碑內稱前守曲阜臧公出俸并募錢開工未竣而臧公去乃飭孟令孫鴻等錯置而成是乃官民同建而舊志但云正德八年耿墳重建似是獨力修成者未知何據姑記以俟後考

明趙鐸撰穀旦鎮石橋記

穀旦鎮在懷慶郡治西南五十里許橋南有鎮名曰

穀且近孟縣十餘里路接京師爲秦晉滇蜀之要衝
往還使命殆無虛日恆以阻水爲患水由地深丈餘
考山海經水以溟名發源於王屋山經流二十里會
澗河過濟源縣東二十里許交流白龍河統宗於濟
水嘗涸弱淺於冬春人可深厲淺揭及夏秋時雨傾
至百川貫流泝泝洶湧聲如雷震水下岸高且難以
乘輿而無舟楫可渡以故人多溺水而死往日有司
歲造木梁於中以濟運涉但經水漲而土木不存其
爲勞費不可算矣正德丁卯夏六月初庚水復浸漲
踰岍沒民田禾客阻河而歎者三日不克息適有胡
僧二人同難於茲不忍人之阻溺而發慈航之念卽

日籲告神鬼願作石橋以濟行者但僧力寡弱不似
人形恐事無終始以懼愆咎於已遂陳於邑令而上
告當道時曲阜臧公專城是郡進僧於堂而教之曰
橋梁我有司事過者畏以黜陟之勤弗克是舉而咸
以木工易之今爾欲石橋之作殆是久長之計其於
有司之政未必無小補云遂與經畫出俸資若干以
立張本正所謂獲乎上而信乎下也必然自此四方
之人帑粟金帛相投并先日所積錢至若干錠石入
水中深數尺作平底闊二丈高七尺開十一空分水
螭石九出未幾而臧公轉叅三晉王弗告成辛未冬
十二月適予承乏是郡圖舉廢墜興及於斯遂議於

同寅東阿楊公浩府倅德平萬公瑀藁城張公子麟
節推楚南潘公棠陽穀李公際元曰是工之作我等
之職功垂成而弗完我等何如爲心衆許以諾卽命
工役而楊公親督廼事復檄孟縣知縣綏德孫鴻縣
丞甘州包鍾主簿蒲州楊誼典史華亭陸鸞公佑工
役錯置所費未半基而橋乃成堅緻牢實勢若長虹
出溟神虬渡水過者無不驚異肇工於正德丁卯迄
今閱六基而落成於今年夏五月朔日僧佛隆法會
德雲王太和德元李乙剛與鄉民崔興齊潤等再拜
於堂而鳴曰茲橋旣成可永百千年後人恐不知事
之始末願出一言以昭永久予值瑣務之繁又將有
朝覲之行不暇修飾筆硯但連綴人所告者以文之
俾後之觀者知此乃春秋師會於淇梁之間正斯所
也故記之云正德八年十一月朔日立石

國朝邑人公撰重建穀旦鎮石橋碑

語云莫爲之前雖美弗彰莫爲之後雖盛不傳前孟
邑城北十五里鎮曰穀旦溟水橫其北建石梁以便
行人由來舊矣記料辛巳孟秋霖霖數日不止山水
暴漲巨浪滔天梁乃大壞行者裹足不前惟望洋嗟
嘆而已夫此橋爲南北通衢凡郵檄之紛馳皇華之
載道不無濡滯之虞較之東橋關繫尤重邑侯江公
開工未幾忽以廉明北上赴

關引見適楚環張公蒞任之初復悚然動念曰石梁傾圮民多病涉豈

朝廷軫念斯民修橋補路之至意乎旋飭捕廉王公專董其事幸王公勤而且慎倡捐於前勸捐於後料取其精匠選其良工務其堅用尚其節橋之舊凡十六孔今增至二十孔經營籌畫心力俱瘁肇工於二十七年暮春至新秋則告成焉由是步者免揭厲騎者如馳騁車不停軌販不愆市商賈遄征男女利徃功德在人真實不虛矣是爲記

國朝魯鴻撰重修穀旦鎮石橋碑

淇水源出原城西北原山自濟源縣舊軹城流入孟國朝觀之行不暇修飾筆視但連綴人所告者以文之俾後之觀者知此乃春秋師會於淇梁之間正斯所也故記之云正德八年十一月朔日立石

國朝邑人公撰重建穀旦鎮石橋碑

語云莫爲之前雖美弗彰莫爲之後雖盛不傳前孟邑城北十五里鎮曰穀旦淇水橫其北建石梁以便行人由來舊矣詎料卒已孟秋霖霖數日不止山水暴漲巨浪滔天梁乃大壞行者畏足不前惟望洋嗟嘆而已夫此橋爲南北通衢凡郵檄之紛馳皇華之載道不無濡滯之虞較之東橋關繫尤重邑侯江公開工未幾忽以廉明北上赴

闕引見適楚環張公蒞任之初復悚然動念曰石梁傾圯
民多病涉豈

朝廷軫念斯民修橋補路之至意乎旋飭捕廉王公專董
其事幸王公勤而且慎倡捐於前勸捐於後料取其
精匠選其良工務其堅用尚其節橋之舊凡十六孔
今增至二十孔經營籌畫心力俱瘁肇工於二十七
年暮春至新秋則告成焉由是步者免揭厲騎者如
馳騁車不停軌販不愆市商賈適征男女利徃功德
在人真實不虛矣是爲記

國朝魯鴻撰重修穀旦鎮石橋碑

淇水源出原城西北原山自濟源縣舊軹城流入孟

境委蛇四十餘里至孟港入於河而穀旦鎮當其衝
春秋會於淇梁卽其地也則穀旦之有橋其來舊矣
中間荒遠難稽邑乘載明永樂十年知縣靳禮建正
德八年耿墳重修萬曆二十八年知縣杜應楚重修
國朝順治十三年淫雨橋圯邑紳等重建康熙十三年
又壞博白令薛所具復修至乾隆三十五年山水暴
漲橋圯垂半廢缺不修者二年辛卯秋大申丞何公
撫治兩河明作有功百廢具舉飭所司繕治橋梁道
路以利行人罔敢不共矧孟路當衝要車馬輻輳邇
者川省軍興使節時臨而橋梁廢不修治是有司不
能事事而利濟之澤不下究也顧余初蒞孟姑弗亟

焉者蓋亦有說天下有利久當興重以憲令而或墜
格不行者以上下之志氣不孚故也茲橋也前此一
人爲之今合數十百人共爲之其難易勞逸蓋有間
矣然一人之爲之志專而無旁撓故似難而反易數
十百人共爲之志分而多猜諉故似易而反難輸貲
者大率牽迫上令其出於中心之誠然者鮮矣任事
之人又或以爲名高未必視公事如已事也上之人
不爲之規畫其終始總核其纖悉冒工費料致以衆
姓之脂膏糜諸無用之地宜其嘖有煩言已卽都無
此患而其平日不甚敬信長吏之心猶疑其萬一有
是也如此則惟有聽其敗壞以俟諸後之人耳矣此

其所以難也予蒞孟年餘自論無德惠以及黎庶惟
是不忍鄙愚其民與一切經久核實之政頗有以孚
於衆者茲役也衆志競勳集貲千一百有奇木石工
料共糜金九百有奇餘存爲修葺城垣濟瀆廟諸費
繕册鈐印付工房收管以備存查材無妄費役不累
民董事諸君作而言曰孟子以乘輿濟人爲未知政
體而君子在於平其政請以平政名茲橋予愧弗逮
也始竊取斯義以歸美於大中丞而其陰大書曰古
渠梁會志古蹟也橋經始於三十七年八月望日落
成於十一月二十五日胡尉蘭齋與董事諸君勤敏
有功其損貲名氏例載碑陰

陳村橋在縣東北二十里陳村東北沈水上係温孟二縣交界康熙二十七年重修乾隆三十年復修

按陳村石橋長十二孔為温孟交界康熙間温縣段村民人重修孟邑紳士薛所本喬起鳳騰鳳與焉至乾隆間則孟縣陳村岳師水運等村人民亦皆力修并勒石橋北緣石入温地故不錄全文入志至陳村亦謂之岑村云

驛遞

河陽驛縣管次衝驛在縣署大堂東偏堂屋三間號房三間馬棚十六間乾隆五十三年邑令仇汝瑒移建東至省四百二十里東北至温縣五十里西北至濟源

縣七十里西南至洛陽縣九十里北至河內縣六十里除原設夫馬工料等項先於康熙年間并乾隆二十三年兩次裁減不計外

見在額設驛馬四十六匹

驛馬夫二十三名

填馬夫二名

長養填轎夫二十四名

留四填轎夫一十六名

遞送公文馬夫一名

探馬夫一名

馬牌子一名

館夫二名

驛卒一名

以上各項歲支工料等銀及獸醫工食并修理號房
雜費等銀兩已詳載田賦志內

舖遞三處一縣前總舖在縣署前一穀旦舖在城北穀
旦鎮離總舖十七里一河陽驛舖今在城西門外三道
溝離總舖三里

額設舖司兵十六名縣前舖六名穀旦舖河陽驛舖各
五名

工食銀兩并詳出賦志內

孟縣志卷三終

